

館陶縣志

第十冊

館陶縣志卷之九

人物志

顯達

義行

孝友

儒林

忠烈

方技

列女

館古敦禮尚義區也士君子砥礪名節而文學專家尤累世輩出其性忠直材偉奇者又多嫻技勇而尚武功自唐宋以逮明清掇巍科膺顯秩贊聖猷而訓方俗者固代有其選而執干戈以衛社稷扶危靖難安內攘外者亦累建不世之勳鄉賢列祠忠魂不滅神道樹碑義氣常存生而爲英者死而爲靈奕世馨香金石同壽古所爲立德立言立功三不朽者館其有焉特是世道不能有升而無降即人運亦不能有達而無窮先正之名顯當時功垂後世者固堪爲來者觀型而其窮居獨善抱道守

館陶縣志

人物志 顯達

一

貞終其身懷仁由義甘遯世而無悶者亦累代不乏甚至苦行至孝可以質天日泣鬼神而名湮沒而不彰潛德而人莫及知者亦有之又况幽閨白玉茹苦含辛勵節松筠矢志栢舟者尤於禮教風俗攸關紀行實正所以扶名教昭節烈即所以正人心叔世澆風唯忠孝節義乃綱維之末劫厄運唯仁愛和平堪補救之民國革新洗專制之淫威造共和之幸福人人自由於法律範圍之內乃可以昭平等之真精神人人自治於道德軌物之中乃可以蘄大同之新景象道德乃共和國之元氣信義即全世界之大維識時務者爲俊傑造時勢者乃英雄君子時中民族主義勃興之時正民德民權相與歸厚變通盡利之時

也先賢之嘉言懿行洵後學之導師在昔之獨行高義乃今人士之模範也志人物

一顯達

(宋)

張 瓊勇力善射太祖在周時攻壽春乘船入城濠城上弓弩遽發瓊亟以身蔽太祖矢中股死而復蘇鏃著髀骨堅不可拔瓊索酒滿飲骨破出鏃血流數升神色自若太祖壯之卽位擢典禁軍累官殿前都虞侯遷嘉州防禦使時軍校史珪石漢卿以數言外事得幸瓊輕侮之二人因譖瓊養部曲擅威福太祖詔面訊不伏怒令擊之漢卿卽奮鐵搥亂下氣垂絕曳出遂下御

館陶縣志

人物志 顯達

二

史案鞫賜死太祖旋聞家無餘貲甚悔優其家祀學宮

柳 開字仲塗父承翰乾德初監察御史開幼穎異有膽勇年十三侍父任南樂夜有盜入室衆恐不敢動開取劍逐之斷賊二指及長就學喜討論經義時經五代文格淺弱慨然慕韓愈柳宗元爲文因名肖愈字紹元旣而以爲能開聖道之塗又易今名著書自號東郊野夫又號補亡先生作二傳以見意尙氣自任不顧小節所交皆一時豪雋高錫梁周翰范杲皆好古學齊名友善有高梁柳范之稱登開寶進士歷官至殿中侍御史知貝州雍熙二年坐忿爭貶上蔡令旋復憲職疏言臣受非常恩未有以報年纔四十膽力方壯今契丹未滅願賜臣步騎數千

任以用武之地必能出生入死爲陛下復幽薊身歿疆場臣之願也乃使知甯遠軍徙全州全西延洞有栗氏聚族五百餘抄劫民戶糧畜開至栗氏歸附携老幼悉至即作時鑑一篇戒之遣其酋入朝淳化三年知邠州時調民輦運趨環慶皆蕩析產業轉運使復督後運數千人詣州號訴開移書轉運罷之後徙知滄州道病卒有集十五卷家戒千餘言刻石以訓諸子

宋史本傳

王沿字聖源少治春秋中天聖進士張知白薦其才遷監察御史天聖五年安撫關陝減諸縣秋稅十二三還爲開封府推官體量河朔饑民所至不俟詔發官廩濟之就除轉運副使被詔鞫曹汭獄於眞定府遷殿中侍御史爲河北轉運使奏罷二牧

## 館陶縣志

人物志 顯達

三

監以地賦民導相衛邢趙水下天平景祐諸渠溉田數萬頃因詣闕奏事上所著春秋集傳十五卷改涇州觀察使元昊入寇葛懷敏進兵鎮戍沿遺書戒勿入背城爲寨伏擊之可有功懷敏不聽卒爲所敗賊乘勝犯渭州沿率州人乘城張旗幟爲疑兵賊遂引去遷河東都轉運使加龍圖閣直學士知并州徙知成德軍卒祀學宮

王鼎字鼎臣沿之子以進士第累遷太常博士數上書論時政得失知深州王則以貝州反深卒龐旦與其徒謀以元日殺軍相劫庫兵應之前一日有告者鼎夜出檄遣軍校攝事外邑而陰爲之備翌日會僚吏置酒自若徐捕首謀十八人送獄一郡

帖然累遷司封員外郎淮南兩浙荆湖制置發運副使精於吏事凡調發綱吏悉度漕路遠近定先後爲成法均節勞逸吏不能爲重輕遷河北都轉運使徙河東卒鼎性廉不欺當官明敏不可撓以私事繼母教孤侄孝慈兼至自奉儉約父財悉推與其弟所薦士多知名有終身不識者與父並祀學宮

劉 鈞果州團練使昆仲五十載不異居人高其義子潤夔州府尹以母渡江憂恐竟棄官歸孫深孝行著聞嘗割肉以療母疾曾孫淵深之子仕安吉知州聲望皆著

(元)

劉 源鈞之後倜儻有智勇方弱冠時值貞祐丙子之亂以鄉兵

館陶縣志

人物志 顯達

四

起義爲千夫長所向敵署軍中總領佩銀符尋以破彭義斌功陞臨清丞未半載德化流布政令肅清陞宣武將軍臨清縣令騎都尉安撫境內累封彭義縣開國男食邑三百戶光遠源之孫九歲屬文讀書過目不忘任廣信同知陞知州躡光遠之子蘭陽知縣政令清簡答民不忍正視尋致仕歸弟鎬任中書習諸家隸篆猶善大草縉紳多慕之又周給貧窮無虛日

張 弼字公輔資性樂愷洞達時變貞祐初河朔潰亂土盜羣起弼召豪傑團兵自衛盜不敢犯遠近得依推弼爲館陶冠氏兩縣都提控以功進開國侯食邑一千戶諸子克世其業詳載墓

志銘

張之剛成宗時以才擢恩州尹又以治最超東昌路鎮撫博州防禦使通志

郭 良元統間爲嘉議大夫中書吏部尙書

秦 禎元統間爲奉政大夫宜興州知州

(明)

郎 俛字抑之洪武間補縣諸生儀表魁岸行誼高潔雅爲里人推慕許兒莊等三社頑梗不馴有司莫能治俛至反覆曉譬相率懼伏委攝縣事條平徭役凡三閱月四境稱理由歲貢登太學授工部虞衡司主事遷雲南府知府所至著有聲績人多推服祀學宮

館陶縣志

人物志 顯達

五

朱 儼洪武中由人才舉任鎮江府同知陞岳州府知府

孫文義原名文進登洪武辛未進士拜監察御史監造榆林版籍著有勞績御筆改名文義尋爲權奸傾擠卒於官祀學宮

杜 驥由貢任交趾三江府同知安撫招討有功陞河南布政司叅議

陳 卣永樂間登進士任監察御史激揚無私擢陝西按察司僉事蒞政嚴明百司惴惴奉法累官大理寺少卿士林重之祀學宮

李 敬字克恭由貢入太學初授考城令居官廉明吏民畏服善招撫流亡嘗修學掘地得錢數萬緡因爲土木資不勞民而功

成尋卒合境哀號提學陳公選表之建企德堂設主於內歲時致祭

劉 衡字公銓正統間經魁初任衡水知縣歷安邑崑山陞國子監助教雅愛勤懇士多慕之擢河南提學僉事祀學宮

郭 良字克忠天順間進士授朝邑知縣鋤梗噓弱吏民悅服畧官光祿寺少卿居家內行淳備鄉黨無間言

武 肅字子敬歲貢成化初授肥鄉縣丞廉幹有爲太守秦公雅器之署威縣篆政聲益著督郡府柴夫獲羨金悉輸之官以貸貧民陞鹽城令以子雷秩贈奉政大夫祀學宮

馬 懋字德昭成化戊戌進士由行人遷刑部郎中累官福建左布政使所在茂著風猷尋疏致仕祀學宮

館陶縣志

人物志 顯達

六

耿 明字晦之登弘治丙辰進士授貴州道監察御史輦下論列無所避忌巡按雲南周行箐棘間以遐徼有司多不檢露章劾奏數十人嘗讞囚有民家子爲妖巫魘死復甦事發巫論死有司以謀殺未果矜之明日此輩妖術所殺不知幾何人幸發之不當宥亟命戮于市遠近稱快正德間逆瑾用事同十三道公疏糾劾遂爲所忌出知湖州府賑貧救災摧暴扶良以治行最超擢江西左叅政督餉佐兵剪除羣盜功成不受賞以疾乞休甫抵里三月寧濠以反聞人服其明哲歿祀學宮

王 璽由明經司文安縣鐸持身高潔取予不苟其門人王沛工

部員外奉差清淵高其行檢贈遺甚厚璽堅卻不受士論重之  
王玠明嘉靖間起自行伍初授臨清鎮撫陞守備守大同密雲  
等處有功授揚州備倭參將玠雅知大義以襄愍公撫其里有  
惠政而死非其罪至則拜公之堂伏地涕泣薦紳義之時倭自  
瓜步來突逼揚州城下玠恐其西逸乃設伏灣頭鐵盤廠自引  
壯士誘賊且戰且走至伏處騎兵起衝之遂大勝多所斬獲以  
病卒時稱爲名將

姚 鋹字振華登萬曆己丑進士仕至遼東寧前兵備副使爲人  
篤厚平易宦遊所入分給宗族親戚胞弟任其所取不問買田  
舍皆多其值人甚德之祀學宮

館陶縣志

人物志 顯達

七

耿如杞字楚材明之曾孫鄉會科名干支與廷對次第相貌皆眎  
曾大父曾大父劾逆瑾著節如杞氣概亦如之由進士授戶部  
主事釐剔倉弊有聲時疆場多事有請纓志調職方郎絕賄賂  
謝竿牘觸要人之忌遷神木參議條議邊方利弊務責實效遷  
遵化道副使叙功加參政時魏璫擅權中外建生祠中丞劉詔  
屬如杞呈詳力執不附中使陶文分鎮喜峰懸魏璫像于中堂  
撫鎮皆羅拜不敢揖如杞持不可中軍劉鳳翔爲痛陳不拜取  
禍狀如杞厲聲曰彼力能死我耳吾頭可斷吾膝必不可屈且  
吾祖以劾逆瑾得罪此膝一屈吾何面目復入先人墳墓乎長  
揖不拜使者馳報魏璫臚傳提塘官趣中丞立劾疏入遂遣緹

騎逮治下鎮撫司嚴旨考訊命司冠擬大辟思宗即位嘉如杞  
爲強項吏出圜扉擢太僕寺卿晉都察院右副都御史巡撫山  
西擊奸鋤貪修邊簡卒人不敢以私牘請總兵張鴻功兵譁乃  
鎮兵非撫兵也中貴因而齟齬蜚語相亂遂爲鴻功所累賜死  
天下惜之後其子章光刺血上疏代父鳴冤奉旨復原職加左  
都御史如杞文似蘇長公奏議似陸宜公詩宗李杜所著有與  
爭錄墨楯延枝議晉疏諸書

冀往聖字印尼品行端潔有巖巖氣象精舉業未獲大售由歲薦  
除商邱令蒞政嚴明百務俱新慈惠治人去任一年士民戴德  
建碑以志不忘旣歸閉門課子諾早年入庠闔邑推爲仁厚長  
者有司每式廬焉年七十餘卒

館陶縣志

人物志 顯達

八

(清)

耿願魯字又樸又字公望如杞之孫含光之子生有夙慧十歲能  
文康熙五年鄉試第一九年成進士改庶吉士授編修十二年  
充會試同考官得長洲韓莢一時咸推爲知人丁父艱服闋補  
原官二十一年卒於京師僅三十有六人皆惜之新城王士禎  
謂其詩如初日芙蓉自然可愛有韋齋集七卷書法尤工人爭  
寶之祀學宮

高重光字煥宸性聰穎淹貫羣書治舉子業刻意揣摩康熙丙午  
舉於鄉癸丑成進士考授內閣中書生平恬靜絕俗尙陶靖節

風不樂仕進家居奉親承歡順志陶陶然自適兩丁內外艱以  
哀毀卒

以上舊志

于敬王申家街人曾祖淵有積德祖天經以萬歷丙戌進士歷任  
山西陽曲浙江海鹽知縣所至有循聲初籍冠縣北趙村故政  
績詳載冠縣縣志淵及天經之墓在申街村正南敬王自明末  
入館陶籍以康熙十四年貢生任禹城縣訓導教士以教品爲  
先成就多有用之才

李 珍東廠村人體格魁偉性樸忠不事文藻初任河南開封府  
原武縣主簿次任浙江嘉興府海鹽縣主簿奉旨內用充詹事

館陶縣志

人物志 顯達

九

府錄事康熙五十二年三月授爲登仕郎尋仕至四品京堂

耿壽平字玉衡雍正初舉孝廉方正知四川長甯縣署酉陽州地  
與貴州毗連會苗民搆亂黔民逃入境者數千人壽平善撫之  
悉得所升寧遠府同知時方討金川奸民王秋與小金川土婦  
阿叩通密輸欵於賊而僞事督師以故久無功壽平偵知之言  
於督師殺王秋軍防以肅遷肇羅道以年老告歸

張汝清字曉湖號如淵城東北窪坡人道光十七年拔貢朝考留  
京咸豐元年中順天舉人以同知銜任山西祁縣知縣歷署虞  
鄉沁源調五台所在有政聲咸豐四年里居時髮逆佔清水鎮  
夜襲官營統兵大臣勝保有幕賓者荒竄陶境煙店村民以爲

賊也殺之勝保怒將屠煙店十六村以洩忿汝清單騎入軍門面謁勝帥力辦鄉民誤殺非謀亂也勝保素重汝清名事遂解性寬怒喜風雅書法尤工人爭寶之生三子長東珏次東琚三東璜並科入泮珏璜補廩亦皆以字學著名

王壽朋字作三邑東北三十五里林潘寨人年十八入武庠二十六中道光己酉科武舉居鄉孚衆望排難解紛人盡折服咸豐九年赴都就職籤掣兵部差官歸標本省署壽張營守備十一年奉撫台譚廷襄札統帶撫標三營克復東昌張秋朱口濮范等處奉上諭特用新設濮州營范縣守備同治元年濮州遊府桂林勦匪遇害壽朋聞報速會新任知州葛恩榮率隊出其不

意圍匪殲之是時屢著戰功撫憲閻敬銘保奏參將賞戴藍翎實任范縣守備兼署濮州遊擊時宋逆復叛奉札統帶曹標蕩平賊巢又截勦捻匪有功撫憲丁保楨請旨儘先以協鎮補用賞戴花翎誥授武功將軍晉封振威將軍旣而黃水泛溢浸入濮州乃備救生船百餘活民無算光緒元年二月卒於任旋里之日濮范紳民攀靈柩奠經過之地人盡哀感生平喜接納文士尤愛書大楷臨瑯琊碑岳陽樓帖頗得其妙不愧儒將風流焉孫鼎和光緒丁酉科拔貢就職直隸州分州充本縣學堂教習兼學務總董有年卓著成績現供差省垣

靳芝亭字嵐友城西北蔡家口人道光己酉科拔貢咸豐二年授

禹城縣訓導旋攝陵縣教諭後以軍功詔以知縣用選授安徽涇縣曾文正公以叙功升直隸州馬端敏公之撫浙也以公牘調之命治儲精時浙中初定吏治尤急公奏諸朝留之浙江權海甯州事因人地相宜遂借補焉官海甯九年朝廷嘉乃丕績賞戴花翎尋加道台銜書法與張汝清齊名次子珏邑廩生善畫三子琦光緒乙酉科拔貢善書均爲知縣

薛景泰字裁成增貢生同治八年援例授涿州州判循分盡職境內多溝渠其淤塞者督率夫役挑濬躬親無少懈他如護難民查道路晝夜辛勤不許餘力加五品銜調磁州州判卒於官

以上通志鄉土志

館陶縣志

人物志 顯達

十一

張琳字聲一南館陶鎮人以戡亂功保把總五品頂戴任本縣城守營樸勇精勤無緣營習氣尤好接納文士談道論德在官多年不理料宦囊光緒九年秋卒於城守營任所其子汝濱邑庠生性情豁達長於詩賦迄今孫曾相繼猶是樸素家風

靳汝霖字澤普蔡家因人廩貢生從洪殿撰鈞學使幕中歷考江西湖北所得皆知名士後以府經歷歸河南候補署澠池縣知縣爲政不尙嚴苛使民易從光緒中年洪出使俄國以誤勘地界被罪由獄中寄書深悔當初未邀隨往足見平時辦事精審遊宦數十年兩袖清風卒於河南省垣歸家越三年始克葬

么培珍字品三城南么莊人幼而豪爽十八歲赴馬廠當兵隨隊

開往吉林由哨長升官哨甲午中日戰役奮而能整升管帶官和議成駐一漫坡充鐵路交涉局總理漸升馬步全軍六營統領九十二標標統仍總理交涉事宜在防深得民心民間尋常訟獄亦往往訴之標統營制改編升第五混成旅旅長日俄構畔開赴滿州里權吉江二省邊防總司令任延吉鎮守使歿後軍民痛悼貴顯數十年家無多金鄉民無遠近無不知公統

領者

(民國)

王占元字子春縣之南館陶鎮人幼失怙讀書未成年十九即出從戎隸銘軍清光緒十二年選入北洋武備學堂畢業升懷字營哨官甲午之役在旅順金州秀岩等處大小十四戰功最多

館陶縣志

人物志 顯達

十二

後袁世凱以欽差大臣練兵小站調充新建陸軍右翼第一營督操官升第三營幫統袁任山東巡撫調駐濟南二十六年平原會匪滋事奉大府檄往勦占元捕首要數人實之法餘無株累平原人勒石頌之二十七年升管帶官二十九年升左鎮步隊第一標標統三十年日俄戰起奉令固防山海關駐永平深得士民心口碑歷久弗衰三十一年升陸軍步隊第一協統領旋改第二鎮第三協統領宣統三年秋民軍起義武昌各統響應占元奉調赴鄂轉戰漢口漢陽間尋調赴豫授副都省以都統記名未幾還師保定隨合肥段公通電翊贊共和民國元年改授陸軍第二師師長二年江西事起復調鄂進駐贛邊事平

回防時黎副總統爲湖北都督調第二師駐鄂令占元幫辦湖北軍務三年著匪白狼肆擾屠戮甚慘占元奉令爲豫皖剿匪總司令擊賊於商城賊潰又擊之於襄陽老河口窮追入陝賊平論功至四年九月奉令督理湖北軍務因改官制特任爲湖北督軍兼省長維時中央失馭經洪憲及復辟兩役時局益臻棼亂武漢居天下之中又有漢陽兵工廠軍事所必爭占元用人行政一秉中樞而陰與西南各省信使往來不肯爲左右袒值馮國璋督蘇李純督贛皆踞長江要衝舉足輕重占元與馮李二公力倡保境息民之議嗣李純繼馮陳光遠繼李仍襲其策世號長江三督支持東南半壁者八九年其治鄂也務振綱

紀恤民隱不妄殺一人不濫徵商民一錢當藩鎮跋扈之際獨以裁兵爲天下先鄂人留去後思焉九年特任兩湖巡閱使占元通電力辭有一國三公十羊九牧之喻海內傳誦十年湘鄂戰起占元以內爭爲恥解職歸田論者歎爲知止占元北洋宿將資勞最深特授勳一位壯威上將軍以功迭給一等文虎章一白鷹章一等大綬寶光嘉禾章蒙大總統頒給九獅軍刀暨雲臺福曜匾額位祿名壽殆有兼之占元內行純篤事親孝對兄友愛異常兄歿待嫂有加禮撫侄男女與子女無異有兩姊壽皆七八十敬事之老而彌篤親族故舊都有優恤業師無嗣爲立碣誌其墓陶鎮故濱衛河有渡口爲商旅通行之路惟迅

流湍急舟楫無多每值風雨停車滿岸人多苦之占元自捐鉅金建浮橋并少募四鄉捐款名曰公修實則讓善於人九年歲大稔人民流亡載道占元出款賑災運白米數萬斛爲平糶又採古人救荒之法設當地局極貧與次貧之民均得無饑除本縣外附近冠堂臨邱各縣胥受其惠全活無算晚年復籌積穀置鄉校凡公益慈善事業盡力倡導易簣之日猶諄囑子侄善爲繼述年七十四歲卒鄉人感其義立碑墓前以誌不忘臨清孫百福爲撰文記之子四長澤寬謹愨有父風次澤厚早卒次澤舒澤和俱幼讀

以上採訪冊

館陶縣志

人物志 顯達

十四

二義行

(明)

劉 鑑歲貢生出郭散行偶憩楊樹下得遺物一帕待之良久其人至鑑卽付還之人高其義官至福州知府

王 貞字文舉篤孝友好施予歲凶出粟百石賑濟勒旌其門

劉 深本縣人好義施財鄉評推重值歲凶出粟四百石賑濟勅旌其門

孫 良文義之孫爲人剛直有祖風鄉里畏慕士夫推重嘗薦修學宮督率有方工成縣令延致鄉飲

汪 沂質直好義族子孫有貧乏者咸周恤之以壽官與鄉飲

王 權邑西北莊科村人元封萬戶侯守忠之裔生性仁慈好善樂施值歲饑老弱流轉慨出薪糧錢米廣施賑濟全活無算成化間敕旌義民子姓蕃衍書香不斷人皆謂悖義所致云

王 員義民王權猶子性剛而慈容貌豐偉持已嚴處世正鄉有紛爭剴切譬曉無不悅服成化間歲大飢輸米助賑賜敕旌表

子一名時時生子三長名寶次名宸三名寵均以文學政績

名著

王宗仁字本元家素封而好義置義塾義田義渡義塚時稱王氏四義山東按察司副使趙公移文旌獎題其扁曰陶山世義吏科給事中閻閔爲之記以傳之

高思孝生而魁梧性樸直好善爲監兌戶曹掾嘗奉使督役自大

館陶縣志

人物志 義行

十五

名至秦省途中痛念夫役寒窶堅却常例不受更出囊金沽酒脯犒之人頌其德當官嘉其賢贈之百金季子選登上壽孫重光成進士遂爲顯族

李茂實字生洲由洪洞徙居館陶明崇正庚午科舉人事親能色養親歿哀毀骨立同懷兄鰥爲營室繼嗣逆闖授以僞官堅拒之匿迹澗南獲免流寇殘破郡邑呈請當事多方安輯鄉里有負債者焚卷不責其直同年某守東郡訟者賫千金丐其關說力却不許所著有澗南詩集祀學宮

(清)

成光顯成家莊人值時多事冠氏人楊雨密以金一囊寄顯室去

中途遇害經年顯方聞之亟求雨兄還其金康熙十一年雨子成立詣顯謝人始知之邑令鄭君聞而嘆曰善人也是有隱德廬以旌之

李 晨字太占候選縣丞輕財重義篤愛同氣緩急相需無不供給邑令郎國楨廬其廬曰熙朝譽髦

徐爾昌字北溪質直樸實勤儉自矢家計日豐不移所守以子貴贈儒林郎

劉秉印字瑞吾老年乏嗣好佛性執他事無所短長惟聞馮令臨清罪誤慨出千金亦可謂輕財好義者

閻士楨字興宇生而穎異勇而善謀國初流寇犯城人舉爲入將官之首設法守禦城賴以全

館陶縣志

人物志 義行

十六

劉計聰字振裔父命讀書尖塚寺晝夜不輟年十九入庠國初草寇擾掠居民從官軍討賊潰聰殿後射賊簪纓賊逃去軍得免後賊犯其宅兄弟妻女皆被殺當士有偉士之稱知縣劉贈以文事武備匾額

袁奇珍字連城謀事有胆畧居心無阿比其辭侃侃其色雍雍都人士咸愛而敬之

劉中正字敬公邑廩生爲人忠厚言動不苟事繼母以孝聞少從學於秦奇英英死子幼教之成立時人義之鄉鄰死而貧者爲具棺殯葬有鬻其子者慨然代爲贖之生平讀書守道恥事干

謁年四十九卒

陳心正字肇修豪爽異常處事多中鄉鄙爭競公一二語兩情悉平闔邑咸服其公正

以上舊志

張其宗字燕候廩生樂善好施歲荒旱出粟濟賑全活無算邑侯鄭先民以德同指困匾額旌其門

胡茂修字敬身乾隆中軍戶忠孝性成獨身未娶將家貲盡納軍費建築軍廟一座並修胡氏宗祠又勤儉積蓄晚年置田四十畝爲合族備供軍費之需私人並不享用一錢歿後胡氏爲之立主祀於宗祠百年罔替

館陶縣志

人物志 義行

十七

王建基字維垣武庠生城東北三十五里林潘寨人性沉毅有膽畧素抱大志乾隆三十九年秋八月壽張縣教門王倫等作亂攻陷堂邑城率衆北下沿村擄掠至壑坡村去其村只三里許人皆逃避無敢攖其鋒者建基奮然曰丈夫生當亂世不能捍衛莊村何顏見鄉中父老乎遂單騎馳至殺賊數人少頃賊又至盡殺之賊因不敢西視持賊首報縣奉旨獎勵賜千總職錫以深明大義四字匾額於戲一武生而能殺賊致果使大展其生平韜畧將執干戈衛社稷裕如矣

張曰珂字蘊山號怡園歲貢生萊州府訓導幼而沉毅嚴重不苟英年入泮品學兼優久困棘闈意豁如也講學授徒造就人才

甚夥嗣設家塾採芹食餼者踵相接同邑張明府樂澍自廣西  
罷官歸貧甚先生招其子元傑飲食教誨之數年入邑庠辛酉  
登賢書魯樸庵先生以臨淄廣文致仕卒於家貧不能葬先生  
爲之具棺槨氣誼所感士林歸心其在萊州任也六載栽培士  
類出其門者若孫孝廉叔方張明經士保爲尤著歸里後好學  
不倦年七十有七而卒邑侯張恪作銘以誌其墓事詳墓誌銘  
中

張 恕字一可附貢生由八千畝富而仁值歲饑設粥以救饑者  
復捐粟千餘石以濟之邑侯旌以積德昌後匾額時人稱爲張  
善人

王清堂字如冰郡庠生精岐黃事親以孝聞好善樂施遇鰥寡孤  
獨尤加意周卹道光十八年歲饑盡出其粟米錢文分老幼稱  
貸之又值瘟疫流行施醫藥全活甚衆有乞丐膿瘡徧體手爲  
調治不嫌污穢至今鄉里猶道不衰焉

郭振倉字際泰河窩頭人邑庠生天性孝友事雙親先意承志能  
得堂上歡心昆仲五人公最少敬事兄嫂感化家人門以內無  
勃谿聲中年後折居以讀書成名曾耗家貲田產平分外債則  
身任之晚年家業豐樂善好施捨遇歲饑出穀以食餓者並舉  
負債者券而焚之鄉里稱道年八十六歲卒增生李墨虬爲文  
以誌其墓子雲行字雨人篤厚一如其父持家政兼效陶朱絕

不取義外之財有負債不能償者亦嘗舉券而焚之可謂世濟其美矣

王懋堂字德官報捐分缺先選用吏目孩兒寨人也幼失怙事母以孝聞兄立堂延師授之讀至成童兄亡事霜嫂以禮撫侄女如己出性剛直慷慨好義里中貧不能婚葬者輒量力資助之以己宅東院作義塾出資延師教族中子弟無力讀書者其强有力者則延武教習訓迪之族輩入武庠者不一人又施藥療瘡終其身不稍懈惜天不假年僅五十五歲而卒

郝永利字常聚太學生性慈厚家素豐樂善好施扶危周急親疏無間鄉族賴以舉火者十數家道光中歲大饑道殣相望發散

館陶縣志

人物志 義行

十九

倉儲賑濟一方老弱並施及鄰省廣平縣屬平固店數村且施不望報後行經平固店諸村父老歡然迎迓皆不相識無心之施是乃善施夜行偶遇盜自道其名盜大慚遣夥二人送之行義之積且感及頑族矣

高景苓字馥亭號秋山廩貢生城東北趙莊人事親至孝性介行端創修文昌閣立敬惜字紙社排難解紛恤孤濟貧咸豐初年邑令陳公引辦團練時土匪滋擾募軍勦捕公分別涇渭闔境無災崑之災事竣保舉五品銜藍翎頂戴後耿公蒞陶保舉候選教諭晚年絕意仕進潛心醫學起死回生賴以全活者甚衆義方教子長次俱入邑庠人皆謂公之盛德所感云

楊灼字芳菴，懷性剛直，見義勇爲。同治初年，黑旗宋匪之亂，倡義輸資，修圍寨，備槍械，防衛有方。鄰村來圍避難者，咸感其德。匪滅後，四鄉結社守望，舉充社長，解紛息爭，勞怨不避。邑宰倉爾爽嘉其義，旌其門曰樂善先施。

侯金藻字掄元，大寺堡人。附貢生，篤厚和平，喜施予。人有所求，無不立應。嘗因息訟，墊錢千緡，無吝色。亦無德色，聞望所及，婦孺亦皆知。俟太公初席，厚履豐晚，家中落意泊如也。座上客常滿，皆碩彥宿儒。爲諸子延名師授業，始終敬禮，弗稍衰。以長子溟鯤登仕籍，誥封奉政大夫。年八十，猶康健。光緒十五年春，有客有所乞，請相對晤，談諸子咸在，忽仰於座位而逝。年八十歲。

館陶縣志

人物志 義行

二十

宋德裕字有道，邑庠生。事親克孝，事繼母尤謹。道咸間，歲屢饑，發粟賑貸，多全活。即婦孺亦知宋善人名焉。

婁連雲字上九，太學生。咸豐初，邑侯陳顯彝令督修城，奏獎五品頂戴。同治初，宋逆滋擾，襄辦團練，民藉以安。

張汝泰字階平，素孝友。未冠入泮，旋食餼，考取恩貢生。同治六年，宋逆餘黨復熾，議築圍，辦團練，境賴以安。

胡永泰字安國，城南胡馬園人。性仁慈，持躬儉約，喜施捨。光緒丁丑及庚子歲，俱凶道，殫相望，慨出貲粟，助賑濟，全活甚夥。年登耄耄，子姓藩衍，鄉鄰欽其德義，贈齒德俱尊匾以額其門。年九十七，無疾而終。

靳宗周字繼元本司寨人文庠生鄉飲介賓設帳授徒循循善誘遊其門者如坐春風子三長如椿修職郎次如梅文庠生季如梢武庠生如梢承嗣叔父宗召昏定晨省俱得兩院父母歡光緒中兄弟折居兄議如例如梢不肯仍取三分之一衆兄因多病累債力不能支仍與同居歲收有餘盡償兄之宿債兄歿姪已長將兄原有田產如數返諸姪姪嘗語人曰吾母子得有今日者皆叔父之賜也

王萬齡字遐福王二廂人太學生輕財好義德望與侯掄元相埒熟於律例然終身未嘗與人訟爭鄉里有訟輒排難解紛屢屢墊款弗之恤遇貧不能婚喪葬不能舉者都有仗助聞望所歸

館陶縣志

人物志 義行

二十一

官府敬重然非公事絕不輕入公門又精外科捨藥治療着手即痊數十年如一日初艱於子嗣撫養義子宛如所生妻李氏亦賢淑旋生二子長清嵐次清峩清峩以文庠生充里長辦事公允鄉人感念舊德爲樹碑於村之東端以誌不忘

馬廷英字采軒少有英氣入武庠排難解紛咸推盛德咸豐初襄督修城同治初督辦團練鄉里稱之

徐廷棟字梅臣千總銜忠勇性成咸同間捻逆土匪滋事率衆禦賊奮力爭先蒙勝帥獎給藍翎五品頂戴

連文學字子持陶西北張官寨人性慈好義質直寡文適有因貧鬻妻者學聞之出資京蚨五貫俾得團聚如初又因喪故卜吉

謀葬掘地得棺乃令移其葬所仍覆土埋棺值凶歲賑饑周急毫無吝意家道日昌子姪蕃衍人咸謂其義行所致云

宋思永字慎修清貢生世居縣西南西寶村性慈仁篤孝友輕財重義樂善好施咸豐六七兩年邑旱蝗歲大饑罄所藏粟賑貧乏且糴粟遠方以廣濟老弱全活甚夥尤精岐黃術兼長內外科素以刀圭活人遇貧病者每施藥富者亦不取酌敬鄉族有婚喪不給者量予貲助毫無吝意遐邇德之於沒後勒石紀實以垂永久嗚呼公往矣而濟施高誼今昔同欽立德不朽斯之

謂歟

李天叙清諸生性仁慈樂善好施志甘淡泊不求利達誘掖後學

### 館陶縣志

人物志 義行

二十二

愬愬不倦鄉族父老子弟有貧乏者周之幼而聰者教誨之親疏一體里人無不感其德慕其義歿後清封中憲大夫

于書麟監生好義輕財鄉里有貧不能婚葬者出資助之咸同間土匪滋事創辦團練值歲大禊出資賑濟全活無算遐邇稱爲于善人

李世超字越凡邑庠生孝友克敦忠誠自持辦團出力蒙獎五品銜候選訓導邑有善舉大事無不與聞卒年五十五

王文若字彬士邑庠生孩寨人也天性豪爽樂善好施咸豐六七年間歲大饑發粟賑濟後值饑民發難赴大名鎮請兵禦之鄉里得以保衛遇貧難不能婚葬者多方周卹不遺餘力

李厚聘字腴之邑庠生聰明英毅迥異常人後投筆從戎屢建奇功以諸生保獎五品銜試用縣丞年五十八歲積勞致疾卒郝法勤字奠邦南拐渠村人性質直好義生平然諾不二取與不苟偶拾遺日夜守之待失主尋至還之亦不問其姓氏毫無德色子治國字安民以孝友稱親歿事兄如父兄有所欲無不供之折居經年而里人弗知兄友弟恭怡怡如也女兄適李氏家中落遺甥李榮三歲撫養教誨俾至成立治生產娶妻育子女鄰有急者周濟柴粟以爲常光緒庚子歲大饑人無所得食嘗焚券且賑濟焉此所謂世濟其美歟

王心一字向道歲貢生城西南翟莊人天性孝友品行端方幼失怙事孀母能得歡心讀書成名後設帳授徒從遊者皆知名士善治家人生產日漸豐盈輕財好義緩急請求無不予貧乏之無力婚葬者多賴成就庚子歲凶三發積粟賑濟之四方頌德光緒十六年邑人公贈品重蘭臺匾額長子邦傑歲貢生另有傳次廷傑朝傑皆噪名饗宮季璫蚤卒子姓蕃衍人咸謂仁孝之報云

劉興元字登仁邑西北菓子園人性豪爽幼讀詩書長嫻武藝素有幹畧咸同間教匪孫全仁等糾夥萬餘人徧擾聊堂臨邱館冠諸縣倡辦團練團名永信訓練有術遇賊過境身先奮勇衝擊兵丁氣亦百倍所向有功賊每望風而靡臨清副將王振岐

嘉其忠勇賞給令旗門旗以昭激勸身充團正三十餘年變亂迭經險難不避晚年因勞致疾御責養疴鄉人欽感之公送齒德兼優匾額

張登瀛字觀海邑庠生城東北白家堡人天性曠達品行高潔尤精堪輿術家不中貲延請者車馬盈門酌敬則一毫不取至平爭息訟定是非於立談之頃洵稱一鄉人望焉

僧了證號向道戒僧也住持城東北鄉莊科村千佛寺身入空門心崇儒教常於楞嚴經以外手執聖賢經傳不少釋見鄉中子弟貧而無力讀書者輒思創義塾以教之由是身之所需無不事事撙節銖積寸累歷數十寒暑積京錢四千餘串延公正紳

耆公同商妥於光緒十五年建義塾兩區一在莊科一在楊二莊置地二百餘畝以地租爲延師資紳耆上其事於縣邑侯彭元照請於大吏獎給惠及士林匾額緣墨入儒有志竟成亦緇流中之卓卓者僧素寡交游獨與鄰壤堂邑乞丐武訓相往來斯亦奇矣至武訓積貲設學大吏入告其立身行事已見獨行傳中不備戴第觀其於了證僧建學時不遠數十里而來捐助京錢三百緡卽此一端亦可想見其爲人矣奇人義舉晚近中罕數數觀今於兩邑之間一僧一丐兩見之洵可謂相得益彰焉義塾二處今俱改爲初等小學堂

梁毓椿字雍州鄉飲大賓賞戴五品藍翎邑東北齊寨人品性端

純責已厚與人恭周急難息訟爭不避勞怨每歲饑輒出錢米糧薪廣濟貧丐全活無算遐邇稱爲梁善人贈善著一鄉匾額有子肇敏肇基長人文庠次入武庠子姓繁衍咸謂其義行所致云

陳光岱字魯瞻陳沿村人增廣生性行純潔品學兼優兄光嶽弟光泗皆文庠生岱篤於友恭得天倫之樂光緒中鄉民推岱充路寨里里長辦事認真衆論翕服鄉里公款錙銖必歸諸實用一文亦不虛糜邑宰倉公題給義聲先著匾額里人增匾額頌之曰榮膺達尊

王登嵩萬善屯人幼年讀書稍長務農善治家初時祖遺田產不過百畝中年以後且十倍之素性慷慨樂善好施冬捨丐以棉夏捨丐以單鄉隣婚葬不能舉者出貲助之光緒庚子饑罄儲粟散之壽八十一歲無疾而終

汪先集字義府水坡村人家僅小康生而量宏輕財重義恤難賙急無吝色有二族孫孤瑩無依慨然收養之及其長也依次受室教誨周至病垂危囑其子學禮曰余歿後汝三人如不同居以某宅某地與二族孫違則不孝子亦賢悉如約集於宣統二年卒壽七十有八

李崑璞邑庠生潘莊人性純行潔學富品端遇鄉族年少游手剗切規勸多改行者清季地方多故伏莽潛滋倡辦團防捐貲築

圍力任艱鉅不避勞怨因公致疾脣垂食減醫藥寡效門外有香椿一株冬前葉落新芽復發採食之疔大減來年又如之食竟病愈而樹枯年六十九歲卒其防衛地方之功迄今人猶稱道之

于書德字懋昭申家街人附貢生性情爽朗識能及遠光緒中匪氛漸熾首辦團防爲一邑先甲午河決村民廬舍飄沒施葦蓆數百以棲人之無居者庚子歲饑揭錢七百串賑濟以食人之無食者鄰封民教構衅民不能勝復團結相抵大府指爲叛檄杜統領進剿遂急謁杜詳陳愚民無知之狀應曉以義不可迫以兵禍遂解河西創築隄工實主其議密陳邑宰鄭公請於上

行之數十年賴以安又息人爭訟全人婚姻事過無不感佩光緒三十二年以疾卒春秋五十有五次子慎輿弱冠入邑庠有父風縣中應興應革公事左右官府施行之民國九年歲歉賑濟一如庚子時縣中初劃七區被選爲仁區區長不喜更張而事以集年五十一歲卒人多惜之

鄭觀海字德術鄭黃營人十代單傳家道小康性友愛事姊如兄長姊適張官寨黃室夫不善持家產業告罄姊攜子女依母家觀海以夥居不便爲之另構別墅漸治田以備養贍次姊適臨清姚莊曲室于歸後亦貧養贍亦如之其族叔鄭玉珍童年聰穎家貧難讀觀海爲延塾師教之供給食用無缺玉珍稍長置

田四十畝爲之成家立業其義氣有如此者

魏鳳岑城南尹固莊人世業耕讀家小康性廉正取與不苟光緒間歲杪赴冠境斜店集市物人廁便時地上有遺失皮包一件拾而檢視之內有錢票旋有客來尋泣稱皮包內有三百餘金點票無訛當即還之亦未問客姓名客叩謝而去岑並無德色李旭之字丹陽邑庠生菓子園人性篤行端質直好義鄉里重其品格舉充十四村里長處世以公感人以誠排難解紛爭端立息服務四十餘年錙銖必清一介不苟壽七十六歲終

柳希聖字宗孔北董固村人樂善好施薄於自奉厚以待人鄉鄰有急難力爲周恤子二長惠和務農次春和精岐黃術孫五人

館陶縣志

人物志 義行

二十七

臨淮仍以醫術紹業曾孫六青雲尤長外科玄孫名春亦頭角崢嶸年登耄耋五世同堂人爭羨之

以上鄉土志採訪冊

(民國)

宋清廉字安素清貢生思永之子輕財好義嘗卜葬得一吉壤適族兄清臣清良病逝苦不得地乃以所擇吉域予之光緒庚子歲大禋出倉粟貸村之饑貧者舉充團長練丁剿匪羣資保障嗣充里長奉法潔身事無不舉被選縣議員地方利弊詳切敷陳辦公十餘年上下交孚民國乙卯臘月卒壽六十四歲子二長繼勳先卒次昌畢業東昌師範掌本縣教育頗著成績

孫文傑字起漢清庠生韓莊人識解閎通篤於孝友母郭氏病痿左右侍奉七年如一日在父前如嬰兒事繼母亦如之舉充里長遇疑難事處決如流登場演說頭頭是道雖威武不能屈光緒庚子後縣官以漕事歸鄉民欠責成富戶完納行之期年富戶賠累不堪有縊死者前官解組去承乏者爲沔陽向公能愛民欲除前弊苦無策議漕米每斗加錢百人不敢應文傑力主之請於大府行之催徵仍歸班役而鄉間之害除他如抑強扶弱排難解紛猶其餘事民國初元舉充縣議會議長地方利弊多所建白新政次第實施嗣復佐理警察團練等務計劃周詳官倚之如左右手不伐善不施勞民國九年七月積勞患暑病故年六十有八

郝金鏞字警音清庠生南拐渠村人性剛行果見義勇爲充里長遇事直陳面折廷爭無懼色館陶初分七區金鏞被選爲信區區長擘畫公務昕夕宣勞深洽衆論改革後土匪猖獗乃挺身建議云賊來力抵怯則無家衆聽約束厲兵堅壁繕械固防團衆氣振羣匪不敢逼闔村二十餘年未受匪患者皆防禦之得法也鄉里感德公送志直行方德高望重匾額

古爲己字眞儒清諸生民國建元在本縣單級師範畢業稟性純篤事親蚤以孝聞中年失怙無志進取家居講學設帳廣及鄰村從學者百人皆新舊貫通無庸腐氣鄉里有訟理諭情遣務

使和息貧困者立予賙恤毫無吝色人感其義公爲樹碑道左以紀其實

程子廉字介夫正村貢生程清暉之子性耿介遇事不苟清時充里長急公好義襄助邑侯創修衛河西隄勤勞廉潔賞六品功牌事有應興應革無不任勞任怨堅決爲之鄉里贈以共欽偉績匾額民國二十年壽七十三歲卒

馮蘭亭字修楔太學生城西匣莊人質直好義尤喜武功民國元年土匪四起本里舉充鄉團團長聯莊置械訓練有方有警率丁力剿不啻衛西長城二三年間經縣委充義區游擊隊長益自奮發數搗匪穴四年削平大盜王六鋼火經縣呈准發給警

館陶縣志

人物志 義行

二十九

察獎章後充本區區長處理事務人皆翕服歿後鄉里爲之樹碑以誌不忘

閻介臣字貴卿淺口鎮人幼失怙髫齡與兄清臣同入小學比年十五以持家乏人乃輟學躬理家政俾兄得專心攻讀清臣遂弱冠成名事母以孝稱母有疾與兄同侍常竟夜不解衣尤敬以事兄和樂之情溢於門內里有紛爭悉心排解務和息而後已每代墊金錢弗惜也時鴉片盛行染其毒者往往傾家喪命乃獨立戒煙所於本鎮勸吸食者入所供給藥品食物俾各斷癮清光緒庚子歲大饑盡散倉粟以賑貧民平時鄉鄰借貸無不遂其願而去人咸德之

郎殿棟東古城人生平急公好義充里長喜息事甯人鄉里之訟事以稀又善處家庭不負平生所學蒙知事管公保舉獎給六行俱備匾額

張天位字萬育南館陶鎮人性情和藹與物無爭少孤事母以孝聞終其身作儒子慕清光緒甲午中日戰後國家銳意興武則令長子俊峯從軍以勳勞仕至中將授鉞威將軍萬育不以富貴而驕尤不自安暇逸遇有公益則焦思勞慮必底於成年逾七秩猶康強嘗騎驢以自消遣壽七十七歲卒

杜廣成字希孔東關人性情溫克與人無忤在城辦公多年頗著勞績民十七客軍過境逼索公款悸懼成疾在家養痾數載未

館陶縣志

人物志 義行

三十

痊年踰七十歲卒

趙燦如字錦園李官莊貢生趙燦輝之弟燦輝好文學蔚成家世書香燦如持家政纘續先人遺澤救急難息訟爭義所當爲不辭勞怨聲聞所播不但鄉里交孚卽頑族亦相誠不擾其第年七十二歲卒猶子麟閣清末拔貢生子麟臺孝廉方正

崔萬金字重寶北董固人幼年失怙稍長即操持家政令弟入學讀書事母先意承志能得其歡心母有疾侍奉不離左右倦則和衣而寢秉性爽直鄉里有金錢糾葛當代墊息爭有興訟者必悉力排解事平乃已年僅五十六歲卒子三長振東現供差陸軍二十一師步兵六十一旅旅長次振山振華均肄業城內

高級小學

以上採訪冊

三孝友

(明)

文 起文興同胞兄弟也以孝友著里閭明初起爲里長以收稅獲罪坐大辟弟興向兄泣告曰兄子多人無父何怙弟無子罪可代也詣長吏白兄冤長吏遂以起罪罪之後遇赦回鄉里呼之爲癡其妻之父曰吾倩癡後必昌復以次女爲室至今子姓蕃衍書香不絕皆興裔人以爲孝義之報云

王 寶性純孝永平衛經歷陞興平縣知縣明達時務持躬廉潔

館陶縣志

人物志 孝友

三十一

父歿廬墓三年

汪應詔邑庠生樸素孝友治家嚴而有法三尺之童不入中門與弟應科同居終身無間言弟乏嗣命中子繼之教諸子以勤儉和睦三世同居享年八十有八

鄒大賢性仁厚至孝父母享年俱八十有餘及卜葬盡典負郭田三百畝以葺大事或請少留爲子孫計大賢曰父母所遺用之父母不爲子孫留也昔人嘗有典身葬親者况地乎值歲薦饑大賢爲視賑濟粥廠事損助薪水日夕調給邑民賴以全活本縣歷旌以扁其孫鄒魯後登丙午科賢書人咸謂仁孝所感云文國泰字熙宇居陶之大羅堡性孝友七歲失怙哀毀如成人長

事祖父母如其父母養生送死情文備至叔祖宗高無子而鰥  
泰養之三十年無倦容既卒泰竭力葬之邑令魏侯旌其門延  
與鄉飲子運隆敦厚有父風明季以超貢除別駕高尚不仕教  
子蔚讀書遊泮非公事不見邑宰一時後進咸矜式焉

(清)

閻子行張官寨人教家以和子姓蕃衍四世同居無游惰者

以上舊志

李有瑞李有祥兄弟也陳莊人治家有法門內雍睦六傳男女數  
十口未折爨道光十六年大吏奏於朝蒙賜七世同居匾額鄉  
里榮之爲製賀詞以誌其盛

館陶縣志

人物志 孝友

三十一

汪 珂字子佩邑庠生少矢怙家貧性孝惟事色養母有疾藥必  
親嘗日夜奉事惟謹衣不解帶者累月傾產葬母心仍未安雖  
妻子衣食弗之計鄉里咸稱爲汪孝子云

馮文桂字裴航邑庠生城南溝塞人咸豐六年孝子蓋棺論定知  
館陶縣事梁公文鈺爲之作傳刻石垂後迄今閱五十餘年幸  
卒讀之而嘆當年學古有獲親在菽水承歡親歿廬墓三年孝  
弟之心令人聞風興起矣

薛景章字煥然羅家渡人文生薛舒泰州判薛景泰之兄性孝友  
治家有法家中一百三十餘口長幼內外各有專職無游惰者  
同時文武生員十四人俱守繩墨貢生薛汝欽學行尤篤汝欽

景章之孫也

么培元字文卿城南四十五里平村人也居近金雞山生於嘉慶二十三年行年八十九歲有子喜山等三人孫金堂一人曾孫俊生等三人元孫貴章一人年登耄耋五世同堂洵爲熙朝人瑞焉

趙廷元趙銘元均世居陶東北李官莊同宗無服兄弟也清同治六年廷元承繼汝讓銘元承繼潤之遂爲同堂伯叔兄弟事嗣父母均以孝聞尤篤友恭同居二十餘年怡怡之情無間一日迨光緒十四年歲饑丁衆乃析居鄉里賢之迄今猶稱道不

置云

張維錕字裕堂邑庠生孝事繼母友愛幼弟安貧樂道誨人不倦

館陶縣志

人物志 孝友

三十三

因材施教成就頗衆年七十三而終學者稱樂三先生

杜錫有字慶餘邑庠生城西鄉二十五里張官寨人也行年八十九歲忠厚傳家詩禮庭訓子學篤文生孫應翔等四人曾孫麟閣等七人元孫五昌等三人松竹庇蔭蘭桂競芳年登耄耋五世同堂熙朝人瑞由此其選焉

靳宗程字明道本司寨人邑庠生性至孝事親能色養母近九旬病癱瘓轉側需人程已六十餘歲左右扶持晝夜不離母室察其饑飽寒暖之節毫釐不爽滌器洗污亦不假手婦人無怠意無惰容四年如一日母歿皇皇然若孺子之失依儒者之孝皆出於誠歟次子如楨歲貢生才名冠一時孫折桂凌雲東溪皆

入泮

李爲恭字溫良性行醇篤幼失恃長失怙事祖母及繼母曲盡孝道昆仲四人友恭弗替子姪輩皆化之門以內無喧競聲遠近知名之士咸樂與交遊若恭者可謂孝友兼至矣

郭萬盛馬家窩頭人家貧而孤事母至孝母顏氏七十後病痿入冬臥不起八十後益劇四時常臥動轉需人日輒十數餐晝則家人扶持夜則萬盛親任之靜伺牀榻母一呼即知其意進湯進食皆能中節母坐則用被褥墊其後側亦如之四肢之安頓無不令其得所夜不解衣者二十年母壽百歲而終母歿肖像供奉如生時鄰村演戲嘗負像持杖往觀人笑其迂孝子不顧也年七十七歲卒

館陶縣志

人物志 孝友

三十四

王登岸字誕先萬善屯人天性純篤幼喪母繼又失怙事繼母童氏曲盡孝道後童氏患病延及二載躬侍湯藥片刻無倦容聞有良醫不惜厚儀延診一夜童氏思食肉乃引刀割股烹以供母母歿哀毀逾恒喪葬盡禮兄弟析居自取薄田兄登岱繼歿撫姪士元教養兼至士元嗣亦成名生平取與一介不苟嘗拾遺金守以還失者而後去壽八十六歲無疾而終

張永祿邑庠生李官莊人父戴德早逝兼桃胞伯冠英事本生母暨嗣父母均得歡心冠英體素胖暮年患癱疾躬親扶持承顏希旨饑渴寒暖百不失一便溺雖頻數衣被等物無污時又製

四輪矮車舁父坐其上和諸孫輩推挽之游於門外以娛老人之意嗣母尤氏病亦如之孝養三年嗣父母相繼逝祭葬從優鄉人敬慕之公贈孝友可風匾額

李協城字翰臣邑庠生城東北薛店人性仁厚父承之早逝哀毀過禮事孀母杜氏克盡孝道偶遭母怒委婉盡歡怒解方離膝下兄建坪督課嚴恭彌甚同居三十餘載諸事一聽兄教侍胞伯武孝廉光斗疾衣不解帶者匝月薄於自奉而養親豐事師亦厚嚴責子姪而待人寬敬兄彌篤惜體弱多病享年不永五十一歲卒

以上鄉土志

李蓮舫城內人府學廩生弱冠求學歷從耆宿遊所交皆知名士故爲文有大家風性廉潔通達事理能耐勞縣有要公以及興築各事官輒延商方畧相需如左右手天性至孝遭親怒則屏息侍立不敢聲或至長跪必得親之歡心而後已縣令向額其門曰孝友可風

(民國)

王藍田王芳田兄弟俱諸生事親至孝友于夙敦以芳田出嗣別戶居友恭之誼不稍替休戚相共朝夕相諧一日不歡聚即夢寐不適嘗相謂曰生旣同處死願同時未幾芳於民國六年十一月朔一日卒次日藍無疾而逝其子道明承父志遷柩一堂

殯葬如禮四方咸稱羨之

李殿臣城西南翟莊人生有至性兄弟三人伊居長跛一足賣燒餅爲生則令兩弟務農初甚貧勤儉所積後亦漸置田產父歿母年六十餘患痰迷症不能自顧其身孝子供母食詳察其飢飽之節手持粥親飯之每日作燒餅必先製二枚以啖母餘者再賣與母同室居夏則扇蚊冬則煖被甚寒則擁母被而寢溲溺濕移母乾處已臥濕處以溫之污則易之一夜移數次不以爲煩晝則爲母梳頭爲母洗足體貼入微二十年如一日民國辛未中秋十七日晚兩弟出守田圃殿臣宿別室饑半夜半母室失火殿臣從夢中警起家中婦孺亦起時烟氣滿屋門自閉火燄突出窗外二三尺殿臣連聲呼母擁門入室至榻前負母欲出因足跛年老倒仆於地及救火熄母氣已絕殿臣皮膚皆爛踰刻死死時猶喃喃呼母也

張文翰字墨林附城郭莊人篤實慷慨輕財重義事叔母如母堂兄弟析居多給以貲旁支有貧不能自立者撫育其後人爲之娶妻置產兄友弟恭兄歿待姪猶子姪亦事叔如父一門孝友遠近同稱

遲樹義萬莊人任俠好義喜排難解紛遇他人不平事輒挺身與之爭雖威武不能屈然性至孝每當忿怒時父一斥責即降心聽命事繼母如親母撫異母諸幼弟情義周至生平無怯人語

無誑人語辦理團務與學校均有成績年五十四歲卒人多

惜之

以上採訪冊

四儒林

(唐)

李 丞有學識善屬文皇甫冉有題李丞舊居詩

段道超干木裔孫世業儒門不務干進養志林臯遠近傾慕州縣多咨訪焉

(元)

霍爾赤字彥舉性行淳篤雅尚文墨嘗於松滋監闢別墅以居里人傳之

館陶縣志

人物志 儒林

三十七

(明)

張 時廩貢生端方博問學隱居不仕樂志田園泊如也壽百歲而終闔邑稱爲人瑞

耿如桂字友蜎明之曾孫少有雋才未成童舉秀才弱冠受廩餼持品端潔有父遺產盡讓諸弟十八鄉闈不中式遂罷不復試天啟初以歲薦廷對歸隱不仕終弟如杞銘其墓子爾棕用光俱嫻文學孫道見尤能讀書世其家

(清)

王克遜字爾碩幼失怙事孀母以孝聞閉門潛修非聖賢圖不讀從遊多名彥談經課藝門以外不問也爲邑諸生時巡按山東

御史劉允謙曾詣其廬額之曰行孚月旦知縣程啟運亦以人倫斧藻四字旌其門迨以明經貢於廷時值需才孔亟爾碩隱遜不仕號無爲子鄉飲大賓邑人至今頌其德

鄒 魯字尊魯少家貧躬自負薪手不釋卷舉康熙丙午鄉試邃性命之理接引後學講論弗輟爲人踔厲風發談詞如雲遇邑有利弊指事直陳邑人賴之

卜云嘉字錫祉性孝友早年食餼生母死以降服限於制飲血三年不見齒丙午鄉試文爲主司亟賞偶以塗字見遺領歲薦終閉戶潛修從遊日衆教胞弟子京入庠人稱一時瑜亮子續孔繩孔俱邑廩生孫曰端亦廩生

館陶縣志

人物志 儒林

三十八

秦奇英字踰千廩生少孤依母氏以有成晨夕饗殮必奉侍左右不敢暫離讀書日有工程工文辭一本先正耻奔競之行當事矜式生平寡言笑少交遊與耿公望卜錫祉友善戊午鄉試數奇不售年未強仕竟卒

李 景字青來舉人李茂實子家世淵源積德好義景年甫舞勺蚤失怙恃每歲時伏臘爲孺子泣者終其身如一日更誼篤同氣愛諸猶子情倍摯讀書樂道不逐時趨以明經領歲薦舉鄉飲不赴品行實堪矜式

王又曾字沂生幼而食餼名著諸生教授生徒多所成立至於大節尤爲人不及不愧明經

孫如爽字弼士敬謹飭躬寬和接物急遽之時亦必莊恭家庭之內儼若朝廷接其丰範如春風和氣中也

高文璘字元質號北邨生有異稟數齡善問難舞象臨右軍書法酷肖能文章邑太史耿公縣尹鄭公器重之十七補博士弟子員十九食餼肆力經史性理講說一遵程朱天性至孝以歲科試有違色養遂入成均舉動方嚴朋友有過輒正色相規謀事如印泥畫沙好引進後學多所成就尤留心經濟實學可以坐言起行數入棘闈賚志以歿士大夫至今惜之

寇養蒙字聖功孝友無間勗志不輟文藝本先正行誼則古昔邑侯陳公恒以科第期之屢入棘闈數奇不遇賚志以歿邑侯聞之悼痛輓之曰文行兼優

館陶縣志

人物志 儒林

三十九

李 涵字碧涵號西山天性純篤賦質剛毅義所不可堅如金石雖賁育不能奪幼孤援例成均非志也攻苦無間時壽不永人咸悲之子姪多所成立皆公所教號稱望族

王 正字幹臣廩生事親就養無方出告反面父病拜表於天請以身代弟王桐王樞親課入泮樞早亡妻武氏年二十歲守節不嫁皆正家教所感教弟子以嚴爲道成就多人嘗置田數畝以爲濟貧施藥之資所著有敬日月慎言文數十則

李 湘字秋蒲爲人謙慎坦夷教子忠厚和平先儒有云人有不及當以情恕非意相干當以理遣公庶幾焉

郭鳳山字來儀廩生賦性孝慈秉質純樸學行兼修著美鄉里  
高錫祿字君寵庠生端方自矢和平接物設教學宮學規以嚴爲  
主考業以勤爲先遊其門者多知名之士  
冀 諾字千子性孝友居家嚴整有法品行端方事事不苟襟懷  
磊落更有卓識戚里有所疑難一經指畫殊自了然有所緩急  
巨細必應貧乏孤幼賴以婚娶成立者甚多  
卜子京字衿祉號函西邑庠增生天性孝友生有氣骨撫養姑子  
頻歷饑饉無憾焉代償叔欠出資變產怡如也學宗西河家傳  
淵源子若孫胥噪名譽宮是其明驗

以上舊志

館陶縣志

人物志 儒林

四十

李志杜增監生城內西街人李涵長子學問淵博篤守聖賢之訓  
修櫪星門續縣志均與其事歿祀鄉賢墳在馬頭村北

劉 瑄字光璧劉圈村人十七歲入泮二十一歲補廩宅心公正  
教人以忠信爲主後以歲貢出學候選儒學訓導嘉慶二十三  
年公年七十八重赴芹筵大吏奏於朝蒙恩賜舉人卒年八十  
三歲

張曰斑字蔚亭號尊西歲貢生銓選兗州府訓導訓迪有方士林  
翕服著有尊西詩話行於世

張維鐸字孟宣恩貢生候選教諭歿後銓青州府學訓導好讀書  
耄期弗倦授生徒成就甚衆精兒科全活小兒無算卒年八十

高廷俊字登峯號可山道光庚子科舉人性孝友安貧樂道敦品厲行非公事不入公門有澹臺滅明風邑侯陳公舉爲孝廉方正卒年五十一

楊三多字華祝葫蘆營人歲貢生品端學粹善爲文非及門士亦多誦其文章終身以讀書爲樂不理家人生產設帳授徒成就甚多晚年精神猶強館於紙房染霍亂卒東道閭爲備衣衾棺木甚優

李毓秀字誦詩號梅峯道光己酉歲貢考授長山教諭世居城東北潘莊家貧幼嗜讀性廉正賴貢生堂叔元愷教訓十八游泮弱冠補廩品端學粹鄰封共仰從遊之士採芹食餼及擢巍科著績仕版者不乏其選松栢性傲老而彌堅咸豐十一年邪教宋匪肇亂愚民多有被惑欲附者百端譬曉力解散之得弗陷於邪地方賴以粗靖壽七旬有七次子大林孫崑璞曾孫逢瞳皆文庠生家舉淵源有由來矣

戴九職字任之恩貢生城東杜家莊人品端學優鄉里推重其教人也尤能因材而施及門之士有貧難自給者公必代供衣食期於成就而後已以故採芹食餼膺選拔者實繁有徒德行學問洵堪爲一方矜式焉

馬登峨字雅齋弱冠知名游泮復屢冠軍文名噪甚道光三十年授明經從遊者多時彥鄉居排難解紛遠近感德

熊德潤字心廣號雨琴歲貢生邑城東北汪家堤人性至孝母年八十有八遇有疾凡進食煮藥必躬親必先嘗不敢以他人代博古好學誨人無倦容明經進取者多出其門長子廷獻三廷節廩生次廷策增生亦見家學淵源也餘如修義學文廟以及書院考棚皆任監督以廉敏稱其練團築圍修堤造閘果毅有爲推爲一鄉保障卒年六十一歲鄉謚貞毅先生及門爲之立教思碑焉

靳 蘭字佩芳本司寨人幼穎異讀書務求心得不屑屑於功名入庠後不干外事終日閉戶讀書然事有所可力成之有所不可力阻之無浮薄脂韋之習親友貧乏者量予賙給待人厚自

館陶縣志

人物志 儒林

四十二

奉儉又勤於操持田產亦曰增所謂本末兼賅歟者長子廣泰次國藩國藩溫良一如其父友于兄弟待姪如子門庭雍睦無口舌之爭兩世遺澤迄今猶有未替者

沈潤洙字琴香號蘭坡由廩貢報捐訓導好讀書四分來學者二百餘人貧者多不受贄又精醫理全活甚衆鄉人感之

樊金泰字繡春歲貢生邑北關人品端學優士林推重咸豐初爲書院董事管理認真同治初辦團著績保以訓導用設帳家塾誨人不倦明經進取者五十餘人至積倉穀修文廟建考棚官倚之如右手得獎五品頂戴年七十四歲卒長子紹勛入文庠蚤卒次子紹業亦文庠生誠樸篤實一如其父光緒中爲書

院董事分毫無私縣有興築皆與其勞因辦團得獎六品頂戴後充學堂堂長成就人才頗多以公正曾舉臨時省議員父子兄弟後先濟美家道亦日益熾昌

侯溟鯤大寺堡人金藻之子咸豐辛酉科拔貢生少從專師受業學問經術具有根柢書法亦酋勁拔貢朝考後任新城縣教諭十八年以講學爲樂不求過班及門中入翰苑者二人光緒十五年致仕丁父憂繼丁母憂二十年夏無故躬親掃墓備父母所嗜食者供獻墓前未幾本村演戲具冠服坐神棚中忽昏瞶不能言舁回家中而逝壽六十八歲

李墨虬字沛澤邑增生孝友克敦誨人不倦從遊者多成就及橐筆入直督關帥行營屢出奇計事上聞以訓導歸部銓選卒年七十七

劉銘几字警心邑庠生城西南西河寨人也博學好古久孚衆望西河僻在邑之一隅三面壤接直隸同治元年土匪滋事其才鎮服一鄉幸不爲害同治四年西河紳民具呈公舉由邑侯鮑瑞駿詳請獎給經明行修匾額年六十四而卒

李寅清字典三歲貢生天性篤厚品行端方息訟解紛遠近咸服且勤訓迪遊其門者多採芹食餼學者稱泮林先生

閻登岱字凌霄閻登羲字眉山紙房人兄弟俱爲明經貢生學問淹博品行端正兄弟間友于尤篤庭訓都有家法子若姪各守

繩墨延師課讀禮意優渥歷數世書香不替

初鳳齡字來儀王草廠人光緒元年恩科中順天鄉試副榜先是己爲歲貢生設帳授徒以經學爲本有五十里外從遊者多採芹食餼而去居鄉務爲德化鄰里視若模範三十年無牙角爭兄弟怡怡得天倫至樂邑宰重其德舉爲鄉飲大賓著有五經類編一書無貲發刻稿藏於家

張廷賓字觀光廩生艾寨人事繼母至孝好學不倦教授生徒採芹食餼者以數十人計後之讀其文者往往以未獲親炙爲憾惜績學未仕年三十八歲而終其子鳳翱字介田邑庠生幼穎敏性仁孝十九歲失怙恪遵母教刻苦求學服闋遊泮以母趙

館陶縣志

人物志 儒林

四十四

孺人持家過勞棄舉子業學治家而家以日豐待人篤實遇公益事捐輸無吝色贊助鄉團不遺餘力凡事一稟承母命行之母晚年患癱疾親侍湯藥衣不解帶者二年母逝哀毀逾恒祭葬本諸家禮友于兄弟撫姪男女如其所生壽八秩遠近稱觴推之曰儒行君子洵所謂世濟其美焉

劉玉淳字涵瑞恩貢生城西南大劉莊人經明行修不慕榮利溫良樂易與之處者如坐春風和氣中每逢科歲試充保師得弟子甚夥家貲故饒益爲敦睦任卹光緒九年衛河秋溢村民廬舍多沒於水貧者無力修葺水退則給之貲使恢復其衡宇歷屆荒歉出粟以食餓者前後計五百石有奇晚歲厭煩囂恒處

一室藉圖書經史以自娛次子儒箱字聘卿孝能繼志濟困賙  
饑大有父風曾任全縣保衛團團總趨事赴功不少懈人有競  
爭則排難解紛息訟事不下數十起書香罔替推爲一鄉望族  
霍麟閣字漢建吳寨人文庠生天資穎悟品性端純幼嗜讀長博  
學閱文書法極工文名遠播從學者衆因材施教循循善誘生  
百餘名多成德達材士教子綦嚴事繼母至孝晚年德隆望重  
士林仰如泰斗壽八十有二

霍如錦字燦亭杏園人光緒壬辰恩貢生性廉正資稟穎悟學問  
淹博幼年有才子之稱敦品砥行非公事不入公門取與一介  
不苟先後授徒臨清堂冠諸縣因材施教循循善誘及門之士  
採芹折桂者類皆成德達材之選是其身教之感人者深也卒  
後墓前爲立教思碑遐邇皆重其名

館陶縣志

人物志 儒林

四十五

宋金鏡字月波西河寨人光緒辛丑恩貢生幼稟英資個儻有大  
志博學好古篤於倫常事父母盡禮定省無間色笑婉承遇有  
疾躬侍湯藥不敢以他人代兄弟之間友于夙敦弟金鐘長習  
武丙戌成進士以禮敬兄肫肫然踰儒者鏡富於文藝作文皆  
見道語本縣鄉土志即成其手至今子孫繁昌文事武備譽髦  
輩出皆數世積德所致也

王邦傑字俊丞翟莊人王心一長子父子俱貢生幼嗜學入庠後  
肄業濟南灤源書院爲文老氣橫秋一仿歸胡屢試秋闈未售

意泊如也孝友出於天性嘗侍庭幃承色笑終日無倦容丁父  
母憂哀毀過禮邑侯鄭公造訪以讀禮辭弗見平居侍姪如子  
絕無偏私季弟璵蚤卒令家人優待其室與仲弟廷傑叔弟朝  
傑同居華萼競秀兄弟怡怡有長枕大被之風教子孫務黜華  
崇實勿染富豪習氣卒年六十有三鄉里贈以名貢王廷匾額  
以上鄉土志採訪冊

(民國)

閻清臣字子廉淺口鎮人清光緒元年年二十二以縣試第三名  
入泮次年食餼每覆試輒冠軍益從名師遊肄業濟南灤源書  
院爲主院者所稱許其文雍容華貴精義悉根柢六經八試秋

館陶縣志

人物志 儒林

四十六

闡七膺房薦一備中奈數奇未售終以明經爲光緒乙巳科歲  
貢生性純孝堂上承歡一如孺子友于兄弟內外無間言紳董  
聯名舉爲孝廉方正邑宰彭公存案待詳晚年灰心仕進家居  
授徒不受學者修金與鄉黨僚友處一團春風和氣民國十二  
年 大總統褒以令德孔昭匾額縣長管贈以德高望劭匾額  
非溢美也民國十六年仲秋月卒春秋七十有四子四人長公  
弼邑庠生曾充本縣議事會副會長次公猷邑庠生以軍需佐  
戎湖北廉幹精審爲上峯所倚重次公錄公著忠厚循謹都有

父 風

熊廷獻字修家清廩生邑東北汪堤人性純行潔品重望隆識閎

學博志一心靈楷模多士文名噪四方遐邇欽如泰斗及門採芹食餼類多通材晚年在城佐理新政具有熱心每建議不離憲法不違民情於縣事多中窾要歷任縣長皆倚重之年七十八歲卒

辛鏡清字合璧蔣家莊人少受業於沈琴香先生經學得其精義入庠後教授生徒一本師說倫常敦篤不愧儒者清末停科舉令子姪肆業學堂作鄉鄰先導晚年習醫活人甚多易簣之前鄉鄰代爲乞壽享年七十二歲卒

沈清泉字鑑塘城西北時玉人世代書香童年出就外傳穎悟異常兒弱冠遊泮爲文若秋水之波清可澈底值清室提倡新學

## 館陶縣志

人物志 儒林

四十七

培養師資乃考入山東省立第三師範肄業以優等畢業奉委充本縣高等小學校長熱心教育釐定功課每上班講解清晰能啟發生徒之心課餘之暇學生有問隨答歷屆畢業生無不佩服沈師之教法辦學數年不治家人生產歿後家無長物亦乏子息人多惜之鄉里謂其成仙則荒渺不足據已

郝介眉字福元南拐渠村人幼稟英資長勤實學由山東省立優級師範畢業歷充本縣高等小學省立第二中學教員第三師範事務主任民國十四年充本縣教育局局長即以刷新教育自任於全縣各鄉村添設初級小學整理第一高小及女子高小各學校又於南館陶籌建第二高小學校全縣教育勃然一

新十八年中央令各省施行訓政濟南成立區長訓練班乃辭  
教育局長赴省受訓回縣後卽充第八區區長舉辦鄉村自治  
弭匪患息詞訟凡職責所關不避嫌怨不辭辛勞必期事有成  
功又以本區地處偏僻教育幼稚在本村籌設第三高等小學  
以龍泉寺故址爲校址釐定功課居然模範一生不妄言不妄  
行絕無浮誇虛僞之習亦無敷衍推諉之弊身體素弱年未五  
十而終

以上採訪冊

五忠烈

(北魏)

館陶縣志

人物志 忠烈

四十八

王榮世仕北魏以方城縣子爲三城戍主梁師攻圍急榮世力窮  
知不可全乃先焚府庫後殺妻妾及城陷與副戍鄧元興等俱  
以不屈被害明帝下詔褒美忠節進榮世爵爲伯贈齊州刺史  
祀學宮

(明)

姚運熙字孟襄姚鉉長子崇禎中歲貢甘肅巡撫湯道衡以人才  
薦於朝授南陽知縣時流寇作亂賊衆千餘人乘雨侵城運熙  
挺力捍禦手刃賊兵數人身被重創猶奮臂疾呼士卒血戰及  
城陷與主簿門迎恩訓導陽氣開皆死之有手書血衣十三字  
記其事時崇禎十四年也上聞嘉其忠烈贈河南按察司僉事

廕一子入監讀書

耿章光子闇生如杞之子仕曲沃令調香河陞安州牧所至有政聲陞兵部武庫司員外郎累遷尙寶寺卿以父忠貞被讒死爲刺血明心一疏代父鳴冤得追復原官甲申流寓江南聞京師陷殉難於金陵妻姚氏妾朱氏皆投井死祀學宮

以上舊志

(清)

王琴堂字雅軒城西南孩寨人道光庚子科武舉甲辰武會元欽點傳臚御前侍衛咸豐三年籤放湖北德安衛守備時髮逆猖獗隨總督吳督隊剿賊屢立戰功保都司禦賊於黃岡力戰陣

館陶縣志

人物志 忠烈

四十九

亡覓屍骸偶不可得光緒中官求其後人亦無應者

熊國棟字隆基城東北汪堤人幼習拳勇明大義同治元年值宋逆猖獗誓殺賊以衛民間城南招村齊團抗匪率其孫廷機馳往相助屢窘賊賊恨入骨後中賊計祖孫同遇害

王秉善業儒性孝友淡泊自甘好讀書明大義同治二年春土匪復熾被掠罵賊不屈死時年二十三歲

以上鄉土志

王興家王興安陳尙樸俱館陶人於咸豐同治間辦團禦匪與本邑團丁喬大頭等一百四十四人同殉均請卹有案

見通志

(民國)

李爲瑞字豐年潘莊人素有膽略民國元年秋初著匪孔九等糾夥二百餘人攻潘莊圍寨時團中僅置有鋼鎗二枝鉛鎗四枝不敷應用瑞督團丁分持大刀長槍站牆守禦賊知團無鎗礮攻益急七月初六日黎明匪衆猛攻入寨瑞率丁迎頭奮擊因衆寡勢懸竟中彈慘死倉猝禦匪爲公捐軀瑞亦人傑也哉

張清文城西馬店人武孝廉張殿舉少子殿舉曾於清光緒初隨知縣倉爾爽把總張琳越境勦逆立功者也清文性蒙邁選充鄉團團長民國四年夏悍匪王六鋼火擾縣之西境匪莊游擊隊長馮蘭亭率衆出村往勦賊衆多分股襲據匪莊寺清文如約會剿初不知寺內有匪將近山門賊向外射擊清文憤遠寺垣中抗聲誓死必殺賊賊支解之事聞官從優請卹爲開追悼會是年王六鋼火等終爲游擊隊暨鄉團所殲

王雲瑞字沛然城北十六里安雷寨人幼讀書曉大義長而任事不避艱險清末萑苻肆起館陶界連兩省尤爲土匪出沒地迄今民初益猖獗上令練團自衛雲瑞被舉爲本鄉鄉團團長既受事奮發爲雄數率團四出剿匪匪恨入骨欲得而甘心雲瑞不懼也民國七年秋青紗蔽野有悍匪二百餘人圍攻安雷寨雲瑞帶丁抵禦賊據險環攻持良久衆寡不敵卒爲土匪攻破執雲瑞而瘞諸野搶掠一空援兵到時賊已去矣事後縣長李壯

其烈憐其死詳明請卹衆爲立碑以誌其事今過其墓猶想見死事之慘云

王善成字開一林潘寨人性剛直有勇畧遇事果敢著名武術家王德安之子也民國二年倡辦團務訓練有方三年春剿捍匪李三等斃之鄰村告警不分晝夜立率丁往剿因捕捍匪林四黑未獲與匪結仇迨七年秋林匪糾夥三百餘人踞孫寨西廣福寺乘夜來攻村衆驚慌成以匪衆我寡勢難力敵趨各携眷避隣村村衆去乃與團丁李芝蘭等三十人禦匪於村口戰竟夜彈且盡萬莊團來援被匪遮斷不得入拂曉匪環攻益急縱火延燒十數家成毫無怯意鎗擊林匪傷之至午火燎燒成衣

死李芝蘭中彈被獲支解慘死村被搶掠一空萬莊團復來援匪退擴成子去村衆歸尋成屍葬之並收葬李芝蘭縣長李呈准發給卹金撫其遺族次年春成弟善全集衆公議續整團防以繼成志鄉父老每述及前事未嘗不歎噓淚流也 先是於民國六年冬林潘寨保衛團頭目洪景禹守寨禦林四黑林匪率衆繞村走團丁劉希山舉鎗擊匪被匪後路狙擊中彈身死王善成忿怒派禹率丁要擊之傷匪二名匪竄禹窮追遇伏中彈死紳民爲立紀念碑曰義勇千古

范啟禎字祥卿南彥寺村人體豐偉性仁孝少事父母以孝稱及長從戎充湖北督軍公署衛隊連連長民國十年武建營兵變

闖入保安門鎗礮連聲幾近督署躬率衛隊奮勇當先將變兵擊潰全城以安旋升陸軍第二師第八團團長每臨陣皆身先士卒致被流彈貫胸而亡古所謂勇士不忘喪其元禎其有焉韓金榜韓范莊人父俊傑慷慨豁達金榜亦如之初由本縣高等小學畢業十八歲投効湖北復畢業於學兵營援川入閩擊皖攻浙屢立戰功洊升陸軍十一師四十二團第三營營長平時與士卒同甘苦遇戰事奮不顧身卒致陣亡上給卹金從優着由地方長官呈領民國十七年俊傑晉省爲其子領卹時歲荒民不堪命謁林省長縷陳民困之狀請發賑緩徵至於泣下並云只求民困得蘇請願不卹其子省長鑒其誠懇賜以深明大義匾額今七十餘歲尙健在

館陶縣志

人物志 忠烈

五十二

陳九德陳沿村人英毅勇敢民國十六年七月二十九日悍匪任振堂糾夥百餘人攻陳沿村德在東門樓抵禦鏖戰四小時羣匪屢前屢却德中彈死民衆慌賊乃入寨

魏全祿城東北梭莊人充民團大隊排長即民國十九年八月土匪攻城力保南門者也性樸忠少文飾每剿匪不肯落人後二十一年六月下旬匪佔城西南郭辛莊官接警報派隊往全祿與焉至則人人奮勇數殪賊已蹙之一隅矣賊據一人家不敢還擊全祿誓必殲賊攀垣欲入竟中彈死於墻下賊乘隙潛逃載屍回城爲開追悼會

王立憲劉塔頭人初由武訓小學校畢業投入陸軍四十七師充司書旋升書記長又考入本師軍官教導團肄業民國十九年隨軍調豫以戰功洊升少尉排長四十三師中尉連附九十七師五七七團偵探隊上尉副隊長益自淬厲誓欲圖功竟於二十三年四月戰死於廣昌蔣委員長躬親臨奠賜聯哀輓之  
以上採訪冊

### 六方技

(北魏)

李修字思祖父亮少學醫就沙門僧坦略盡其術針灸投藥莫不立效徐克間多所救卹修遵父業晚入代京位中散令賜爵

### 館陶縣志

人物志 方技

五十三

下蔡子遷給事中太和中嘗侍禁內文明太后時有不豫針藥皆効賞賚有加集諸學士及工書者百餘人在東宮撰諸藥方百卷皆行於世後卒於太醫令贈青州刺史

北史本傳

(清)

董曰春字韶光武庠生業岐黃尤善針灸手到病除活人甚多鄉里匾其門曰著手成春胞侄銓及孫鳳池世紹其業池術益精四方公贈濟世活人匾額

何同意字致誠灘上村人性慈嗜讀壯年見有一肢偶傷竟成殘廢者心甚憫之乃攻醫學考究人身之筋骨脈絡血管膜網條分縷析逐節詳明醫書難解者求名師指授遂精手術遇有筋

骨受損或肢體負傷施以手術敷以藥膏調治需以相當之時日無不平復如初遐邇求醫者因之絡繹不絕施治概不憚勞亦不受酌敬貧者且施茶飯救傷續命四方感德子萬年暨孫雲生雲岫亦皆世習其術先後濟人病苦然則醫學手術顧可少乎哉

張常順南彥寺人性仁慈精岐黃術遇急險症不論蚤夜立往診治審脈察機應病投藥百不失一其貧者則備施藥劑務令病瘥無論貧富概不受酌敬四方德之子紹其業孫同興及曾孫生財尤善繼先志精研醫理廣施藥品值瘟疫流行有求輒應活人尤夥

館陶縣志

人物志 方技

五十四

王宗輝字瑞生魏僧寨人性慈仁質直好義少業儒長懷濟世習岐黃術長於外科治療瘡症雖甚奇險著手回春四方求醫者絡繹不絕概不取酌敬且施藥品並施茶飯仁術義聞聲播遐邇子治國孫殿楨世精其術施藥施粥年荒匪亂鄉里相率爲之應門禦侮至今後昆猶紹其業

崔鳳翹字凌漢城北崔莊人邑庠生課徒爲業兼習岐黃術精痘疹科救活小兒無算著有痘症摘要疹病要論二書屢用屢效其孫寶璋亦邑庠生以醫學世其家

劉上達字可行邑庠生精岐黃術四鄉就醫者依次診治不論貧富其貧病延醫者徒步往診不憚勞遇有奇難等症審脈察機

百不失一活人無算時有神仙之目公贈識真膽確匾額  
賈璧玉太學生常二莊人精岐黃術小兒科尤擅長凡幼穉男女  
病而乞醫者察指紋望氣色投藥立效賴以全活者甚夥四方  
匾其門曰杏林春風

張同心字協力莊固村人幼業儒長因母病改業醫志切濟人廣  
儲方藥病者無貧富貴賤無不盡心診治著手成春其尤貧者  
手掣藥餌概不受值遇食時且施饘粥方數十百里內外就醫  
者絡繹不絕雖祁寒暑雨風霜深夜有急病求醫者立診不稍  
緩遇奇險疑難諸症審脈察機應病投藥百不失一晚年著有  
脈訣簡要婦科要旨等書子玉振善繼志尤好施孫錫齡錫朋

館陶縣志

人物志 方技

五十五

曾孫嵐清又皆克繩祖武世精其術子姓蕃衍五世同堂壽八  
十五歲而終縣長江甯管公手掣碑文表厥神道並贈錫齡金  
匱宗風錫朋代生岐伯匾額各一方

鄭麟友字石生鄭廠人博讀方書而臨症精審有求醫者必先察  
其稟賦之弱強參之以五運六氣然後立方如大將用兵不死  
於局下故徐徐奏功人亦溫良見者心折是所謂儒醫云

汪恒樹字密齋邑庠生城東北棗科人品學兼優擅岐黃術四方  
求醫者不論貧富立予治療疑難大症察機審脈藥投病瘥活  
人甚夥遠近皆稱之爲良醫云

么凌雲字悅桂平村人父仲魁善刀圭治瘡立效凌雲年三十即

行其術施藥施方概不取值飯時即留而飯之求醫者踵相接  
著手回春濟世活人遠近仰爲生佛性方嚴面折人過人愈敬  
之爲立德行碑

李逢旭字海陽邑庠生潘莊人自遊泮後習醫術以濟世活人爲  
志脈理通徹四方就醫者施治立效貧者概施茶飯遐邇感德  
迄今四十餘年良醫之名猶傳頌不置云

楊書玖字韻堂性慈行潔精岐黃術四方求醫者隨時診治著手  
成春奇難等症審脈察機藥投病瘥活人甚夥有酬以金或贈  
匾者概拒卻之告之曰吾以濟世活人爲心受匾與金是沽名  
也是貪利也名利非吾願也人益敬之

館陶縣志

人物志 方技

五十六

程尊賢程莊人曲阜衍聖公府齋奏官資性穎敏幼業儒長參周  
易性命諸書通理數尤精星卜堪輿家言相宅相地休咎悉符  
卜吉卜凶推測立驗延請者絡繹不絕公送碑以贊之曰善理

陽陰

卜筮

王德安字恒坦林潘寨人素有膽略見義勇爲里有紛爭以理處  
決尤長武術拳棒絕倫後習針灸盡得其奧凡患病就醫者挨  
次治療不受酌敬遇有貧且老者嘗徒步往醫活人甚多壽八  
十七歲卒

(民國)

張不欽字敬齋清貢生邑東北艾寨人學術湛深業擅岐黃有求

醫者不論星夜寒暑應時診治如病處方百不失一有酬以金贈以匾者概拒之仁心仁術遠近知名

文殿臣字登庸清諸生大羅卜人幼勤學長入黌宮質直好義不慕榮貴精岐黃術猶嫻鍼灸濟世活人貧富感德事親盡孝敦宗睦族和鄉鄰息爭訟樂施捨賙急貧壽八十餘歲四方慕其行誼於民國十四年秋爲勒石以紀之

李文林字彬周薛店人名醫獻篤之子幼嗜讀力學長習父業精通醫理有相求者按脈處方投藥輒效屆五旬目失明遐邇乞醫者口授方令人代寫治本治標仍百無一失惜天不假年五十二歲而終鄉里爲樹名醫碑鄰縣亦多署名者

以上採訪冊

七列女

(明)

溫氏縣民高資妻年二十七歲夫亡守節三十九年而終有司上其事勅旌其門

侯氏故贈光祿寺少卿郭維貞之妻貞亡時氏年二十七誓不再醮紡績爲業奉養翁姑教子良登進士至八十有五有司上其事勅旌其門

王氏縣民薛忠妻家貧勤紡績事翁姑以孝正德辛未流賊作亂入其家執氏將污之氏厲聲罵賊見殺時年一十八歲未旌表何氏縣民趙繼明妻年二十六歲夫亡氏矢志殉夫斷飲食三日

館陶縣志

人物志 烈女

五十八

姑力勸解之孀居六十載壽八十六歲有司上其事勅旌其門賈氏毛家圈劉成器之妻城內賈國瑞室女十六歲于歸隆慶元年年十八夫亡遺子纔六個月上有翁姑家貧紡績爲生翁患噎疾甚苦氏籲天請代越數年翁亡與孀姑同居更以婦代子姑有疾察其意之所適晝夜不離牀褥姑得享壽八十有七撫孤子桂榮不稍姑息以至成立有司上其事奉旨建坊並令刻石垂世坊立城內碑立毛圈劉氏先塋時在天啟三年

據墓碑補錄

王氏庠生汪承明妻年二十六歲明以疾卒撫孤度日家道甚貧子至二十歲又亡撫一孫女篝燈紡績教孫女以禮苦孀四十載壽六十六歲終

劉氏邑民汪文舉妻年二十歲舉被兵掠去一子尚在襁褓舅亡  
姑夫明氏以婦代子耕織養親撫育弱子至於成立事上聞撫  
院給匾旌表

丁氏庠生耿爾悰妻悰力學感疾蚤卒家僅中人之產氏事翁姑  
盡禮以孝稱教兩孤兒道成道見遊鄉校撫諸姪子女暨兩孫  
孫女具有室家苦節四十年未旌表

汪烈女棗科人其父汪躍鰲女年十六避兵東楊家莊兵至獲女  
迫之上馬女給曰前高阜可乘知阜傍有古井奔至井邊投身  
而死未旌表

喬氏水波里汪司李繼室寓清源崇禎壬午清兵長驅城已陷氏

館陶縣志

人物志 烈女

五十九

同一婢潛避河岸空艘中恐終不能免自艙後投水死

據譜錄

文氏邑民郎從葉妻生子建鼎甫周歲從葉卒氏年十八歲矢志  
靡他家甚貧躬紡績以奉舅姑治饗殮日省勺米積至斗升貰  
書以課其子長入邑庠冰霜勞瘁始終如一未旌表

岳氏邑庠生王英嗣妻冠縣進士岳粹孫女幼讀書于歸後相夫  
以禮英嗣博文學每試冠軍有山左才子之譽萬歷四十七年  
戊午秋闈不得志抑鬱感疾卒氏一慟幾絕曰甯不能相從地  
下耶奈垂老之孀姑祿襁之幼子何飲冰茹苦教子義方守節  
六十餘年年九十壽終子玉爲清康熙朝貢生

(清)

嚴氏張官寨閻景隆之妻姒娣和睦素以孝聞康熙十二年三月繼母戴氏病危氏年十九割左肱以食姑病旋愈邑令鄭君給匾旌之

軒轅氏武烈妻烈亡氏年二十三上有老姑家甚貧氏以婦兼子拮据紡織以供饘粥遺子效先方二週氏以母代父勤劬似和丸畫灰效先爲邑名廩生知縣錢瓊題門曰松筠一致

曹氏侯一位妻位亡氏年三十苦節自矢撫子良屏補邑廩生無何良屏歿遺婦年二十八撫遺子三人長尊王次崇王三欽王俱入庠欽王又蚤卒婦文氏年十九撫崇王子爲子三世寡孀俱以節聞

館陶縣志

人物志 烈女

六十

李氏宋士傑妻年二十五歲而寡皓首完貞康熙三十二年縣令給匾旌獎

王氏倪兆麟妻于歸甫二年夫亡氏年十九歲苦節自甘歷四十年餘載撫孤子倪山克及成立上事孀姑備極孝養康熙四十九年建坊旌表

卜氏庠生汪茂梅妻梅死氏年二十三以弟子承嗣撫猶己出奉衰姑時勤問視姑病日侍湯藥雍正六年建坊旌表

鮑氏孫景奭妻于歸六載夫亡矢志守節時僅二十三歲上事舅姑下撫遺孤歷數十年如一日

裴氏卜緯孔妻自幼定盟後氏父見緯孔貧託原媒退婚氏聞之

日夜痛哭幾死父懼寢其事及適緯孔甘貧苦孝事翁姑緯孔死守節終其身

安氏王琬妻事舅姑克盡婦道年未三十而夫亡矢志守節縫紉紡績有常度每作一業必尅日成工三十年如一日教子讀書子皆成名闔邑咸稱節孝所感

梁氏州同汪昞琪妻昞琪死撫孤守節堅如金石屢遭外侮氏一身撐支謨猷調度男子所不及是健婦亦是賢婦

許貞女洪泗女事繼母以孝聞洪泗凡三娶無子晚娶孔氏性癡愚不辨菽麥雖生子不知鞠養女稍長有問名者女謂父曰兒適人則弟必不育許氏宗祀絕矣因不字撫育嗣弟一日尋弟

館陶縣志

人物志 烈女

六十一

忽不見則母已置兒櫝中氣將絕矣女由是絜弟不必與離及弟長成乃字名族未嫁而卒

通志

田烈女蘇村民人田虎次女幼許字范得貴長子現未幾虎外出十年無音耗女年十七遇歲凶母從舅氏謀欲女改字女初不知也范家控於官官令地役調處之勢將背前盟女飲泣竟夕懸梁死官哀其死憐其志斷樞歸范爲之建祠立碑躬奠其墓墓在蕭寨村東時康熙六十年

王氏許世揚妻夫早卒父母欲嫁之遂自盡

見通志

李氏縣民國士魁妻貞靜有姿因惡少調姦不從羞忿投河死官實惡少於法雍正十二年題明建坊旌表

孫氏州同李洽妻少年守節無子援例繼猶子爲之娶妻凡百所爲無不悉心經營待之不啻己出

常氏鄭家廠鄭其身妻年二十二夫亡氏誓柏舟之死靡他家寒甚翁姑年近八旬一饘一粥咸取足於十指一子名中華遺腹也甫弁氏熊丸以教倍嘗辛苦後行成名立爲國學生孫亦輩聲庠序知縣楊公給匾以旌其節曰貞孝德昭

潘氏鄭其德妻于歸以孝聞德亡子甫八歲教以義方姑亡翁踰八旬氏供甘旨衣服禮貼備至翁嘗語人曰吾中年喪子老年喪妻不幸矣賴有賢媳婦道以代子道猶不幸中之幸也翁亡氏哀蔭盡哀殯葬如禮越二十年孫亡享壽七十八歲

館陶縣志

人物志 烈女

六十二

趙氏汪汝沆妻沆偕妻隨父杭州任沆客死氏年二十歲有子未週氏以後嗣爲重順變節哀扶夫櫬歸里事繼姑以孝教子鼎鬯早遊泮宮

滿氏蘇富妻家貧甚翁守金病篤思食肉氏因無貲割左股肉熟而獻之翁病痊方知聞於官知縣謝士柱詳明撫院給匾旌表牛氏龐祿妻夫卒氏甫十八歲柏舟自誓飲冰茹蘗五十餘載持家嚴肅待人慈惠鄉黨稱爲巾幗完人

孫氏龐爵妻年二十爵疾卒撫週歲孤女與孀姒牛氏勁節同矢黻炊事姑始終如一冰操至老知縣趙給匾旌之曰松柏競翠

以上舊志

王氏申街于澄之妻素嫻內則秉性堅貞十七歲于歸甫一載澄亡身無所出堂有衰翁氏以婦代子奉養備至因家無兄弟又乏期功遂勸翁聘劉氏逾年生子名大勇又逾年翁與劉俱歿氏苦撫弱弟窮守孤身以十指力養大勇成人入武庠娶姒宋氏生七子以長子煥文爲氏子氏以壽終至今大勇後人子姓繁衍書香不絕皆氏之功也

武氏范莊陳調元妻適陳五載而夫病故無子立夫弟子紹孟爲嗣氏上事翁姑定省無間婦代夫職下育嗣子稍長就學訓以義方矢志守貞持家務儉刻苦勵己寬厚待人遇族親有急難者立施賙恤紹孟幼秉慈訓長亦克家鄉里欽其孝節於嘉慶

館陶縣志

人物志 烈女

六十三

二十四年經有司上其事給匾建坊歿祀節孝

李氏楊芝妻十八歲適楊二十一歲芝歿家綦貧遺夫弟年尙幼氏貞苦自勵操持家務晝夜無倦時仰體先翁姑志教弟成名門祚以振年六旬而終道光九年邑宰張詳准旌表建坊題曰節孝可風從祀節孝祠

韓氏東路寨王學朋妻年二十二歲夫故無子立夫姪茂貴爲嗣上孝翁姑下慈嗣男茂貴生子幹亭旋又遽亡幹亭稍長氏力紡績督孫業讀幹亭亦仰體太慈意夙夜勤學弱冠入庠補增廣生氏刻苦自勵茹柏飲冰五十餘年始終如一壽七十有五道光二十六年詳准旌表頒給徽傳中壘匾額歿祀節孝祠

李氏林潘寨吳法文妻年二十七歲夫亡遺子湘蘭未週歲氏柏舟自誓撫孤以慈持家以儉子稍長督之學晝則紡織自力夜則和丸助讀湘蘭長補邑庠冰操遐齡終始如一於道光三十年詳准旌表頒給節茂貞松匾額祀節孝祠湘蘭失恃後棄儒就醫活人甚夥咸豐十一年戕於教匪尙無子息繼室李氏遺腹生子繼達而李氏值此兵燹存孤謀食其慘苦尤倍於姑卒能教子有成家道日昌光緒二十四年奉旨旌表准祀節孝祠孫氏李官莊千總銜李復禮之妻咸豐四年甲寅春粵寇犯境氏同僕嫗避難村外適遇賊奪其所乘車氏厲聲罵賊被戕時年三十四歲死後顏色如生女僕劉嫗亦遇害至民國十三年上

館陶縣志

人物志 烈女

六十四

其事於政府錫予褒揚給婦德綱維匾額

夏氏水波里汪二守側室二守不祿兵燹相踵氏避地臨清城陷萬馬馳突天地慘晦始同羣婦竄避既知終不能免乃投井死孟氏烟店楊聚旺妻旺死時氏年二十一夫胞兄聚興亦相繼亡嫂路氏年三十均未生子氏及嫂事翁姑極孝勸翁納妾育男名聚義義甫週歲雙親俱逝氏及嫂苦撫幼弟昕夕劬勞操持家計義長爲訂婚配秉公秉忠皆其胤裔孟氏卒年七十一路氏卒年七十六民國十四年經縣長管呈准褒揚題冰玉雙潔遲氏東路寨陳光岳妻于歸後孝敬翁姑和睦姒娣夫倡婦隨家室好合氏年十九光岳病故而氏竟自經以殉救治無及人莫

不哀其志而稱其烈也

張氏林潘寨劉汝恒妻恒亡時氏年二十五遺子墨林甫三歲上事翁姑下撫孤子饘粥親供教養身兼子稍長盡十指力供子業讀苦節貞行六十餘年如一日享壽九十有一

方氏李官莊李復昌繼室于歸二年而夫亡無子撫夫姪錫九爲嗣愛如己出操勞勤儉家道小康撫孫男輩教養兼施四十餘年如一日鄉里敬之公贈節慈賢明匾額

劉氏王步堂妻十七歲于歸二十歲夫亡無子立夫姪爲嗣上有翁姑自念悲哀過甚恐傷親心每問安進膳曲意承歡衾枕間則時有淚漬痕姑歿事繼姑尤恪衣必親製食則手調甚博繼姑歡與妯娌和睦持家以勤以儉待婢僕以寬教嗣子則嚴遇親族急乏者輒調恤之不稍吝其懿德閭里黨共稱壽滿七秩同治十一年詳准旌表入節孝祠

李氏王集村王謙光妻光蚤卒氏無所出矢志孀守立夫堂姪齡長爲嗣上奉翁姑以孝稱下撫嗣男愛逾己出長爲娶妻邵氏未幾齡長又亡氏督孀媳邵氏勤儉治家內外嚴肅婢僕亦知授受不親之義姑媳守貞三十餘年終始如一光緒二年邑宰倉詳准獎給奇烈重光匾額並准入節孝祠

趙氏紙房閻志典之妻十七歲于歸越二年夫亡氏守從一而終之義上事翁姑以婦而代子職無子以姪爲子光緒二年年五

十有司詳其事山東巡撫丁奏准建坊旌表越三十一年年八十一以疾卒祀節孝祠

李氏西寶村宋思永妻永中年病故撫遺孤清廉教以義方晝勤紡織夜督子課性尤慈善樂施遇鄉族婚喪力絀者出資助之聞貧婦舉子則視其所乏而調之有夫族姪二人甲清臣年九歲乙清良年六歲兩兒皆貧孤無依乃收養清臣撫如己出清良則轉寄諸其姑家歲時給薪米資其養瞻均先後成人族孫亦皆蕃息氏持家家道日昌子亦成名事翁姑夙以孝稱教子尤以賢著睦鄰恤族親疏感德光緒十二年有司上其事敕旌其門鄉族慕其義與夫思永並爲勒石以垂不朽歿祀節孝祠

館陶縣志

人物志 烈女

六十六

楊氏薛店李本剛之妻適李後事翁姑以孝聞惟子女一無所出勸夫納妾穆氏生子獻之未彌月夫亡氏痛不欲生顧念孀孤無依宗祧攸關忍痛延生葬夫盡禮撫孤以慈教養備至操持家計務儉習勤敦睦族親恤難調急子幸成立身膺痼疾苦貞三十餘年終始如一光緒十五年經邑宰彭詳准頒給蘭芳石介匾額並准入節孝祠

高氏周文成妻年二十四育一子甫四月氏夫病故上有衰姑家無斗粟賴十指力以仰事俯畜稍有餘資市甘旨養姑兒啼弗顧也迨姑歿子成立氏勤持家計貞苦逾恆年至九十二歲無疾而終

侯氏北榆林姚清和妻夫亡時氏年二十一歲遺子一上有翁姑氏矢志守節事翁姑盡禮撫幼孤盡慈持家勤儉子稍長訓以義方家道寔盛孫男繁衍皆氏積善所致邑宰上其事題額旌之曰德抗桓嫠歿祀節孝祠

李氏薛圈薛鍾泰繼妻于歸時前子傳薪已亡生子有璋甫八月鍾泰棄世氏年二十一歲抑慟撫孤柏舟勵節與孀媳劉氏一同艱苦度日持家以儉守禮以嚴子有璋稍長讀書繼乃經商裕後光前家聲丕振氏與劉氏同於光緒二十二年請准旌表一曰彤史揚麻一曰松筠媿節劉無子以夫姪百朋爲嗣李氏享壽八十四歲劉氏享壽九十三歲均祀節孝祠

館陶縣志

人物志 烈女

六十七

李氏正疇村王世昌之妻十八歲于歸二十歲夫亡遺腹生子曰丕禎氏茹苦含辛謹身教子愛逾珍璧衛護必周丕禎十三歲娶婦么氏越四載丕禎又亡么年二十一歲冰操自勵一如其姑姑之慟更甚於世昌死別時也姑長於婦十五歲同處一室晝夜紡績外言不入中門么深明大義先意承志事事得姑歡姑慈婦孝至老彌篤光緒二十二年詳准旌表表曰一門雙貞均祀節孝祠

金氏楊召村翟維薰之妻入門端莊淑慎事姑如母年二十一歲維薰亡遺腹子一名錫紳氏上事衰姑下撫孤子料理內外井井有條錫紳稍長爲娶媳王氏王年二十五錫紳又亡遺一子

登霄未滿週歲姑媳二人貞靜自守登霄稍長教之讀書雖未成名頗能克家金善處鄉鄰王氏亦如之鄉鄰有姑媳不和妯娌爭吵者金輒令王趨赴勸諫嘗有悍媳言忤其姑者不聽勸解媳與王故有瓜葛王親至其母家責其教女不周與其母同來痛斥其女卒歸和睦金先去世王去世已二十餘年姑媳同德至今鄉鄰猶言念不置云

許氏韓莊張耀宗妻母家貧十二歲媒送夫家作童養媳十五歲成禮次年夫亡未有子息氏矢志靡他佐夫兄嫂勸理家計拾柴推磨不謂勞中年家小康氏益自刻苦食必粗糲迨兄嫂亡姪家長不善持家久之又無立錐地氏晚年行乞值歲饑餓死

館陶縣志

人物志 烈女

六十八

道中死時年七十七歲鄉里矜其遇事後上其事於縣署題匾曰松筠節操以表彰之

汪氏紙房閻錫爵之妻十八歲于歸二十三歲夫故氏毀妝守志尋常不出閨門孝事翁姑撫姪爲子以續夫後閱五十五年七十八有司上其事山東撫提部院張以苦守冰霜孝義兼全題請旌表奉旨獎勵准建坊懸匾並入節孝祠時在光緒二十年三月

趙氏護法寺郝國華之妻年二十三國華卒矢志柏舟奉養翁姑極盡孝道無子撫猶子金楷如己出金楷亦以孝聞光緒二十年有司上其事奉旨建坊旌表卒年六十有三入節孝祠女

一適同邑王璪璪亦蚤卒女之苦節一如其母

許氏東路寨王丕河妻年二十四歲夫亡家貧孤煢無依氏矢志守節賴十指度日上有霜姑七十餘歲朝饔夕殮親操井臼甚得邁姑歡心苦貞五十九載終始如一壽八十三歲而卒

王氏潘莊李爲憲妻憲亡時氏年二十歲矢志守貞下撫遺腹子逢瀛上事翁姑孝慈兼至鄉里稱述年七十五歲而終光緒二十九年詳准旌表入節孝祠

李氏楊二莊汪毓桂妻年十八適汪閱四十日而夫亡立夫兄幼子由章爲嗣上事孀姑下撫嗣子勤儉持家孝慈兼至與人寡言笑矢志懷冰霜五十載如一日年六十八歲而終

館陶縣志

人物志 烈女

六十九

閻氏南館陶王培澤之妻青年孀居禮義自處其翁王有章歲貢生教讀爲業氏侍翁姑間竭誠盡禮甘旨無缺而自奉儉約待其子亦嚴雖幼雖孤不令稍有傲惰氣其子名繼曾讀書遊泮入民國致身通顯富而不驕得母氏之力居多氏於其子未貴時已經輶軒採訪節孝於光緒三十一年請核建坊旌表歿祀

節孝祠

王氏周莊王泰興繼配十九歲于歸有前子甫週歲至二十七歲夫病歿生女一方三歲上有翁姑年逾六旬前遺孤子已彌十歲事親盡孝道訓子有義方子學名木鐸氏晝勤紡織晚課子業學稍怠即終日不憚悔改加勉意乃釋子稍長亦恪遵慈訓

刻苦力學年二十五以縣試第一名遊泮氏詔之曰汝名成我心碎矣鄉黨宗族咸稱爲賢光緒三十一年詳准旌表題賢孝字以額其門歿祀節孝祠

胡氏拐渠村韓金鈺妻三十二歲夫故氏欲身殉奈翁姑在堂矢志守節代夫事親克盡婦道持家勤儉力紡織無間寒暑孀守四十餘年終始如一有司上其事給匾旌表

韓氏韓金鑑妻胡氏之娣也十八歲于歸二十一歲夫故矢志柏舟貞勤自勵與姒胡氏同事翁姑均以孝稱光緒三十一年與胡氏同案詳准旌表入節孝祠

馬氏田平村李致誠之妻十九歲于歸翁早去世事繼姑如母繼

館陶縣志

人物志 烈女

七十

姑性仁柔不善持家氏相夫料理家致井井有條閱十年夫歿已生二子俱幼又生遺腹子一仰事俯畜賴氏一人治內治外操勞似男子三子旣已娶妻氏仍勤勞如初性方嚴嘗見族婦躬親桃水問汝非無夫者夫何作答以外出則令家中僱工送水婦家見婦男則斥其懶又夜常擊析支更見族鄰閉戶稍晚者次蚤必詣其家詰責之以故鄉黨宗族無不敬憚初年田僅二十餘畝晚年四百餘畝男女四十餘口五世同堂至九十四歲無疾而終

曹氏西廠村李上林繼妻母家東廠故氏族氏幼時盡讀四書詩經與載禮二十一歲于歸撫遺若已出不故嚴亦不故寬上不

逮事翁姑相夫持家賢聲卓著生一子廷獻氏教之識字有和丸畫荻之風上林亡廷獻十餘歲出就外傅歸則課其所學後應試爲文義禮條鬯終爲太學生氏寬和慈惠待族黨戚里恩意無不周遇凶荒則量力資助即乞丐到門亦加意賙恤晚年目失明有勸其祈禳者氏謂敬鬼神而遠之不可瀆也闔範母儀鄉里同欽未旌表

童氏田平村李官俊之妻十七歲于歸翁亡姑邁服事維謹生子甫四歲官俊亡氏年二十四上奉衰姑下撫孤兒忍慟毀妝井臼親操兒稍長送入村塾讀書督責綦嚴學稍輟則捶楚之並嘗以針刺恐嚇之絕不以幼孤而意存姑息性勤儉甘旨奉姑如一夫亡時地僅數十畝氏及六旬地二百餘畝賙急睦族遠近皆賢之迄今四十以上人猶能道其風範焉

趙氏沿村鮑金榮之妻金榮蚤亡氏節操自勵事親教子婦德無缺其子廷英娶妻閻氏亦蚤亡閻之勵節亦如其姑姑待媳以慈媳事姑以孝紡績度日裕後成家光緒三十二年有司上其事於朝准予建坊表曰姑娘雙節均祀節孝祠

霍氏東徐村趙發榮之妻十九歲于歸越五年榮逝世氏自認命苦益勵冰操因上有翁姑乃收淚自克維時夫弟發明尙在襁褓氏代姑撫養以至成人無子以夫姪爲子恩逾所生翁姑老

氏料理家政井井有條而家道日昌翁姑先後歿殯葬皆如禮鄉鄰賢之守貞四十九年年七十三歲而終

王氏大寺堡周鈿之妻夫亡時氏年二十矢志柏舟上事翁姑克盡婦道持家勤儉靜穆寡言笑睦族鄰有溫惠聲苦貞五十載如一日四鄉公送節孝匾額

靳氏莊科村王恩有妻夫亡時年二十九無子繼婦姪爲嗣愛如己子奉翁姑克盡孝道未幾嗣子又亡撫姪孫三皆成立氏勤儉持家蚤夜紡織睦隣族寡言笑訓孫尤嚴鄉里咸敬重之

鄂氏萬莊遲曰豐妻年二十三歲曰豐亡而家窶貧顧上有癩姑下有瞽弟生活賴氏紡織以自存無子撫瞽弟子如鏡爲己子

館陶縣志

人物志 烈女

七十二

爲之娶妻邢氏無何如鏡又亡遺女尙在襁褓婆媳勁節同矢歷數十年之久艱辛備嘗可謂柏操霜節矣

張氏范莊韓景尼繼配韓前妻遺二子撫育乏人因氏賢聘之氏歸韓字遺若己出踰年又生一子而韓棄世氏茹苦含辛待三子毫無區別貞松慈竹人無間言祝八旬壽時有司額其門曰節光彤史壽至八十六歲

王氏潘莊李含章妻章業賣飯性剛直因細故與族人結怨光緒十二年十月初三日含章赴城趕會途間被怨者所戕氏年未滿三十子未彌歲抱子興詞求雪冤案結後子又殤家貧紡績自給誓爲李守年七十三歲而終

以上鄉土志採訪冊

(民國)

劉氏張大嘴妻十七歲歸張甫四月夫亡翁邁姑癩家又貧氏力紡績以事翁姑忍飢耐寒矢志靡他翁姑繼歿以婦代子殯葬從厚家益貧嘗日一舉火而冰操愈堅孀守六十年年近八旬而終

王氏南拐渠郝鴻儒之妻清同治七年鴻儒病故氏年二十二歲上有衰姑下無子女矢志柏舟事姑至孝姑患病不離左右藥必親嘗歿則祭葬如禮性慈祥戚黨之貧者都有周恤鄉里無不稱道民國八年病歿年七十三歲

館陶縣志

人物志 烈女

七十三

車氏侯莊吳寵榮妻夫亡時氏年二十五歲子一尚幼翁姑在堂矢志養親撫孤子教養兼至持家勤儉待人寬厚翁姑繼逝哭泣盡禮孀苦四十餘載始終如一壽七十有三

靳氏王草廠初伯耕妻于歸未幾年而夫故氏柏舟自誓上奉繼姑繼姑嚴氏克盡婦道卒能得其歡心料量炊織維儉維勤數十年如一日卒於民國十年

王氏李官莊趙清源妻青年守義矢志彌堅家綦貧晝夜勤紡績勞十指以度日母弟憐其窘憊改適氏怒斥之終身不履其門孀守四十九年終始如一鄉里欽其苦節贈志堅金石匾額王氏鴨窩村劉傑之妻王上將軍長姊也于歸之初家計蕭條以

十指力養翁姑釜甑間不廢鍼黹勤勞淑善鄉鄰皆賢之翁姑先後亡生三子二女夫亦亡氏義方爲訓諸子在籍在軍皆能振其家子旣貴嘗就養名都樸素不改其常家道日昌益廣行慈惠濟困賙飢歲費錢糧不貲有司上其事得政府褒揚准建坊立碑長子國禎充區長辦事公允濟困賙飢之事皆其經手鄉區贈品高行潔信義交孚匾額次國安充湖北督軍公署一等副官三國全官至少將長孫振寰中央大學畢業孝友傳家氏之坤德愈顯

王氏焦圈焦振有之妻王上將軍次姊也先貧後富不事刻薄生一子汝敬輕財喜施予鄉里有貧不能葬者輒給予餅金爲購

館陶縣志

人物志 烈女

七十四

棺木之需飢者食之寒者衣之歲以爲常又購地捐貲在城內修蓋文明看守所皆稟承母命行之事上聞蒙

大總統褒揚坤德建坊旌表汝敬繼妻李氏義氣一如其夫嘗捐鉅款補助地方教育與施醫所並接濟公安民團購備槍枝作城鄉防衛之用統計不下萬餘金邑人爲之立碑以誌其事內政部題獎曰淑慎慈祥

郝氏翟莊王璪之妻生長名門于歸士族璪不幸力學短命死氏年二十二篤守禮教柏舟自誓事翁姑以敬處姊姒以和姑有疾親侍湯藥察視必周無子以夫兄子延芳爲嗣飲食顧復教有義方又慈善喜施予遇歲荒輒出穀以食貧民至民國十四

年呈蒙政府褒揚有云卹災昂斛荀粟爭頌乎夫人課字畫灰  
歐荻親授之孤子洵實錄也石氏者王延慶之妻郝節婦姪媳  
也慶卒石方二十柏操冰心一如郝節婦一門雙貞人哀其遇  
益稱其賢

于氏萬善屯王崑瑜之妻光緒八年崑瑜亡氏年二十四哭盡哀  
爲無後也上有翁姑下遺弱女婦人恒性往往因寡而驕氏獨  
不然事親則以婦兼子與姒娣同工作更取事之勞者尋常不  
出中門紡績縫紉有常度繼撫夫姪春元爲嗣率以勤儉家道  
日康嗣子亡撫兩弱孫讀書務農各有成就晚年鄉鄰欲爲請  
旌氏以婦人庸德不敢享大名堅辭弗允民國二十一年年七

館陶縣志

人物志 烈女

七十五

十四歲壽終

張氏甯陽堡郝景玉繼室年二十歲適郝未週歲而夫亡遺前妻  
子方八歲上有翁姑年俱六旬餘氏青年孀守矢志靡他仰事  
翁姑定省無間俯畜孤幼教養兼施勤儉持家苦貞五十餘年  
始終如一壽七十有四邑宰上其事蒙政府褒揚曰節勵松筠  
孫氏蘆頭村許蘭峯之妻蘭峯弱冠入庠因苦讀嘔血於二十六  
歲病故氏年二十八歲蘭峯過繼堂伯母黃氏早寡蘭峯死黃  
將近七旬益悲傷氏忍慟事嗣姑朝夕侍奉維謹若母女然黃  
九十餘歲歿殯葬如禮欲爲請旌因年荒時亂未果氏婦德母  
儀鄉里同欽壽七十三歲卒

以上採訪冊

(清)

喬氏周 冕之妻

劉氏耿啟濬之妻

王氏初兆祥之妻

郭氏郭士振之妻

殷氏郭士傑之妻

國氏崔道凝之妻

暨子婦 喬氏

李氏殷培坤之妻

范氏王 銳之妻

郭氏李 愷之妻

汪氏史國瑞之妻

何氏劉尚德之妻

王氏高士龍之妻

袁氏戴九詔之妻

戴氏汪繼悌之妻

張氏劉士洲之妻

李氏劉秉桐之妻

張氏閻樹棠之妻

吳氏閻 熏之妻

張氏張登科之妻

劉氏刁 耿之妻

尚氏閻日鎮之妻

劉氏王建誠之妻

蘇氏姚子昱之妻

侯氏趙維申之妻

賈氏白玉桂之妻

鄭氏張大尹繼妻

陳氏胡從科之妻

館陶縣志

人物志 烈女

七十六

張氏申永和之妻

孫氏婁志祥之妻

吳氏 柴俊之妻

萬氏王士功繼妻

劉氏張希正之妻

焦氏古化友之妻

張氏古養德之妻

范氏傅顯會之妻

趙氏李九賢之妻

杜氏 武存之妻

平氏劉 珍之妻

王氏武 珂之妻

武氏程守家之妻

任氏袁述堯繼妻

李氏武 琳之妻

范氏袁印章之妻

姬氏劉秉樸之妻

劉氏康子鑑之妻

康氏趙繼宗之妻

孫氏么伸志之妻

李氏王繼曾之妻

馬氏劉善武之妻

許氏韓 奇之妻

閻氏韓克昌之妻

武氏郝法興之妻

程氏王錫熊之妻

史氏郝法舜之妻

姚氏白學聖之妻

劉氏趙金鐸之妻

劉氏劉清嶺之妻

張氏程文燾之妻

殷氏王培利之妻

白氏高進才之妻

武氏王邦址之妻

胡氏劉汝學之妻

金氏郝宣忠之妻

程氏王世清之妻

常氏趙琢之之妻

殷氏譚坤之妻

趙氏王與芬之妻

蘇氏王與蕢之妻

郭氏王尹東之妻

于氏王殿魁之妻

李氏汪書鏞之妻

王氏汪巨淋之妻

胡氏秦振標之妻

張氏徐田中之妻

張氏顧萬善之妻

馬氏王克明之妻

欒氏鄭維桐之妻

王氏趙潤之之妻

劉氏汪維之之妻

張氏李嘉謨之妻

杜氏李湄之妻

郭氏孫殿英之妻

馬氏趙廣居之妻

董氏婁登雲之妻

賀氏吳興寶之妻

薛氏韓不顯之妻

許氏張殿拔之妻

館陶縣志

人物志 烈女

七十七

許氏潘希珍之妻

王氏張夢榮之妻

徐氏韓有河之妻

朱氏李尙選之妻

張氏徐克廣之妻

劉氏盧官修之妻

于氏姜鍾泰之妻

楊氏李化成之妻

武氏李殿元之妻

張氏張臨奎之妻

許氏薛景有之妻

龔氏孫存樸之妻

張氏都大嶺之妻

刑氏汪本立之妻

李氏薛景文之妻

王氏汪恒元之妻

劉氏汪本恪之妻

傅氏燕大平之妻

穆氏吳夢蘭之妻

汪氏王維城之妻

姜氏于書業之妻

牛氏閻魁英之妻

于氏邢連仲之妻

張氏劉雲峯之妻

郭氏趙鉅之妻

李氏趙魁元之妻

劉氏趙清秀之妻

耿氏崔鳳翔之妻

么氏郎長春之妻

邢氏汪本祥之妻

王氏文大彬之妻

石氏薛全讀之妻

郭氏董作霖之妻

楊氏張廷溶之妻

武氏耿興魁之妻

李氏王立泰之妻

高氏曹大智之妻

劉氏蔣治業之妻

張氏徐奉璽之妻

徐氏許本善之妻

張氏武連江之妻

郭氏崔廷楷之妻

吳氏郝致恭之妻

張氏郝年魁之妻

仲氏王朝敬之妻

吳氏郝大亮之妻

潘氏張汝祥之妻

王氏劉保成之妻

柴氏李興之妻

齊氏張諄之妻

劉氏霍錫鞏之妻

王氏徐學孟之妻

陳氏武長興之妻

劉氏李進考之妻

陳氏趙學海之妻

傅氏趙清泰之妻

李氏李建中之妻

穆氏張士銅之妻

于氏邢步雲之妻

路氏王璐之妻

館陶縣志

人物志 烈女

七十八

程氏耿金有之妻

桂氏陳楣之妻

桂氏陳俊選之妻

李氏杜廷槐之妻

丁氏王芝賢之妻

燕氏路金銘之妻

于氏馬士俊之妻

許氏劉金堂之妻

秦氏于兆麟之妻

郃氏郭汝敬之妻

湯氏宋學詩之妻

劉氏王壽彭之妻

陳氏王克德之妻

傅氏趙九貢之妻

何氏白廷儒之妻

汪氏高東晷之妻

汪氏熊義之妻

李氏熊斌之妻

張氏孫安邦之妻

武氏孫振東之妻

于氏徐乾之妻

尹氏汪恒公之妻

趙氏郝榮章之妻

張氏汪廷輝之妻

王氏丁學法之妻

張氏高富美之妻

霍氏劉五常之妻

牛氏霍冉明之妻

劉氏徐萬全之妻

戴氏張夢松之妻

劉氏張廷楨之妻

萬氏盧英清之妻

程氏杜官堂之妻

孫氏鄭晉賢之妻

許氏鄭仲魁之妻

劉氏李灝之妻

韋氏范文彬之妻

許氏武廷章之妻

張氏盧兆遠之妻

賈氏劉允福之妻

張氏白萬功之妻

劉氏王景邦之妻

劉氏劉鳴德之妻

李氏吳湘蘭之妻

譚氏任起顯之妻

喬氏徐天福之妻

張氏牛秉心之妻

呂氏杜天成之妻

王氏王名揚之妻

馮氏徐映雪之妻

么氏郭振才之妻

劉氏閻希如之妻

牛氏宋金玉之妻

鮑氏樂盛德之妻

錢氏王文若之妻

鄭氏顧邦瑞之妻

范氏包裕楨之妻

楊氏趙天敘之妻

張氏盧英榜之妻

林氏朱為則之妻

館陶縣志

人物志 烈女

七十九

沈氏楊秉鈞之妻

牛氏李秉鈞之妻

杜氏樂培俊之妻

孔氏韓 塏之妻

翟氏薛金柱之妻

劉氏王立堂之妻

王氏吳際盛之妻

劉氏霍尚德之妻

程氏劉卿雲之妻

許氏趙廣心之妻

閻氏車顯光之妻

張氏喬汝和之妻

趙氏王東常之妻

陳氏王淑人之妻

王氏徐繼鏞之妻

馬氏王存忠之妻

張氏霍法合之妻

石氏閻文思之妻

靳氏閻文法之妻

閻氏張世烈之妻

周氏吳朝彬之妻

馮氏孫偉柱之妻

張氏何會極之妻

邢氏楊國華之妻

韓氏何慶冠之妻

劉氏閻文明之妻

易氏丁如松之妻

朱氏丁如梅之妻

吳氏秦鳳翽之妻

趙氏王秉常之妻

陳氏謝兆麟之妻	韓氏張多福之妻	張氏于孟鄒之妻
武氏閻景泰之妻	萬氏霍錫文之妻	馬氏王鈞安之妻
呂氏王長祿之妻	薛氏陳福盛之妻	殷氏袁雪堂之妻
王氏劉永興之妻	李氏趙維翰之妻	楊氏王鳳達之妻
陳氏李懿德之妻	朱氏張東集之妻	牛氏汪逢泰之妻
高氏陸宗榮之妻	徐氏高文淦之妻	楊氏陳志連之妻
梁氏陳顯榮之妻	穆氏霍錫齡之妻	張氏張汝敏之妻
岳氏婁 晰之妻	吳氏郭煥榮之妻	張氏郭煥章之妻
李氏羅鳴謙之妻	王氏殷書成之妻	梁氏賈清濂之妻
張氏王芸田之妻	張氏董汝瀛之妻	韓氏張克順之妻
郭氏陳德美之妻		

館陶縣志

人物志 烈女

八十

以上通志鄉土志採訪冊已旌表

何氏初登甲之妻	李氏楊殿德之妻	王氏初 蘭之妻
王氏趙叶時之妻	耿氏王永祥之妻	周氏譚法成之妻
梁氏閻書林之妻	王氏閻麟經之妻	高氏辛宗文之妻
李氏石殿傑之妻	閻氏鄭蘊璜之妻	欒氏張士遠之妻
張氏王昇槐之妻	趙氏郝治國之妻	王氏閻折桂之妻
張氏汪景周之妻	高氏張希聖之妻	王氏孫廷理之妻
徐氏孫廷柱之妻	修氏喬年豐之妻	武氏孫夢武之妻
孟氏郝岫雲之妻	牛氏郝凌雲之妻	李氏邢成恭之妻

吳氏孫汝霖之妻

楊氏高廷翰之妻

鄭氏張汝泮之妻

王氏梁清和之妻

楊氏高琪之妻

王氏郝汝爲之妻

以上採訪冊未旌表

(民國)

劉氏南館陶張致和之妻民國八年呈蒙大總統錫予褒揚

王氏焦圈焦振有之妻民國九年呈蒙大總統錫予褒揚

張氏甯堡郝景玉之妻民國九年呈蒙大總統錫予褒揚

程氏韓莊郎超羣之妻民國九年呈由內務部註冊給匾

孫氏李官莊李復禮之妻

清咸豐四年  
遇冠抗節死

民國十三年呈田政府錫

予褒揚

館陶縣志

人物志 烈女

八十一

路氏烟店楊聚興之妻民國十四年呈由內務部註冊給匾

孟氏

路氏夫弟聚旺妻

同年呈蒙內務部題字曰冰玉雙潔

郝氏翟莊王璪之妻民國十四年呈蒙政府錫予褒揚

王氏鴨窩劉傑之妻民國十五年呈蒙政府褒曰慈孝揚麻

李氏南彥寺張錦幃之妻民國二十一年呈蒙國府褒揚曰孝義

光昭

李氏焦圈焦汝敬之妻民國二十二年呈由內務部題獎曰淑慎

慈祥

郭氏申街于書德之妻民國九年以歲饑助賑八百元事上聞蒙

山東督軍兼署省長田  
會辦山東賑糶事宜何

援例題頒樂善好施

以上檔冊已褒揚

趙氏馬履義之妻

郭氏王文海之妻

劉氏胡蘊璽之妻

馮氏王禹堂之妻

常氏李茂林之妻

李氏劉朝宗之妻

甯氏燕國清之妻

趙氏王占選之妻

潘氏陳玉才之妻

郭氏宋維綱之妻

辛氏劉廷祿之妻

李氏陳建偉之妻

丁氏郝金懷之妻

汪氏徐芝田之妻

汪氏喬年堂之妻

徐氏李彥勤之妻

陳氏郝春堂之妻

潘氏遲樹勳之妻

高氏張連士之妻

崔氏張翰閣之妻

于氏王恒榮之妻

任氏沈潤清之妻

李氏翟樹芹之妻

王氏孫承周之妻

鄭氏牛樹橋之妻

陳氏于林生之妻

張氏張曉壩之妻

館陶縣志

人物志 烈女

八十二

吳氏汪斯瀛之妻

董氏王家珍之妻

汪氏鄭貴和之妻

武氏王鴻章之妻

王氏孫承敬之妻

張氏孫金榜之妻

宋氏于慎懷之妻

于氏龐大平之妻

程氏燕國慶之妻

孟氏張啟志之妻

馮氏張丕和之妻

王氏燕金城之妻

師氏白蘭舟之妻

范氏程伯之妻

以上採訪冊待褒揚

